

الفرقة الناجية أصولها وعقائدها

*Firqat-un-Naajiyah*

*Misingi na I'tiqaad zake*

*Mwandishi:*

العلامة المجاهد ربيع بن هادي المدخلبي

‘Allaamah Rabiy’ bin Haadiy al-Madkhaliy

*Tarjama:*

Abu Bakr Khatwiyb al-Atrush

## YALIYOMO:

1. Dibaji ya kitabu "Firqat-un-Naajiyah" .....	4
2. Ni kina nani Firqat-un-Naajiyah? .....	7
3. Sifa za Firqat-un-Naajiyah .....	9
4. Tuhuma na uongo wa Ahl-ul-Bid'ah .....	10
4. Salafiyyuun ndio wenyewe kustahiki kuitwa "Firqat-un-Naajiyah" .....	11
5. Wanachuoni wetu hawana ushabiki wa madhehebu .....	14
6. Kuenea kwa Da'wah ya Salafiyyah .....	15
7. Rabiy' al-Madkhaliy akiwa Bangladesh na Pakistan.....	16
8. Salafiyyuun wanafuata karne bora zilizosifiwa na Mtume ('alayhis-Salaam) .....	17
9. Mapote yaliyojitekeza wakati wa Maswahabah na Taabi'uun .....	18
10. Ni kwanini Salafiyyuun wameitwa "Firqat-un-Naajiyah"? .....	19
11. Hawa ndio viongozi wa Firqat-un-Naajiyah .....	22
12. Firqat-un-Naajiyah wako kati kwa kati .....	26
13. Firqat-un-Naajiyah ni wenyewe kuwafuata Maswahabah kwa wema .....	28
14. Ulazima wa kuwafuata Maswahabah kwa wema.....	30
15. Salafiyyuun wanatolewa ushuhuda na Qur-aan na Sunnah.....	33
16. Wanachuoni kuhusu wenyewe kupinga kuwepo juu na kuzungumza kwa Allaah.....	35
17. Allaah na Mtume Wake ('alayhis-Salaam) ndio wa kwanza kutahadharisha juu ya Ahl-ul-Bid'ah .....	37

Firqat-un-Naajiyah  
Misingi na I'tiqaad zake

---

18. Kiongozi wa Khawaarij akimfanyia uasi Mtume wa Allaah.....	40
19. Ahl-ul-Bid'ah wengi wa leo ni wapotevu zaidi kuliko Khawaarij wa kale .....	42
20. Mwenye kuwasifu na kuwatetea Ahl-ul-Bid'ah sio katika Firqat-un-Naajiyah.....	44
21. Fitina kubwa leo ulimwenguni ni ya Sayyid Qutwub.....	46
22. Hajjuzu kuwanyamazia Ahl-ul-Bid'ah kwa hali yoyote ile .....	49
23. Hakuna udhuru baada ya kuwa haki imeshabainika.....	50
24. Uwajibu wa kuvipigia marufuku vitabu vya Sayyid Qutwub na Ahl-ul-Bid'ah wote kwa jumla .....	52
25. 'Awaaam pia wanaingia katika Ahl-ul-Hadiyth.....	54
26. Sifa za Ahl-ul-Hadiyth.....	55
27. Radd kwa Ahl-ul-Bid'ah wenye kuwaponda Ahl-ul-Hadiyth.....	59
28. al-Ikhwaan al-Muslimuun na Hizbiyyuun wengine wanalingania katika umoja na uhuru wa dini .....	64
29. Mazanaadiyq ndio wenye kuwaponda Ahl-ul-Hadiyth.....	68
30. Khitimisho .....	70

بِسْمِ اللَّهِ الرَّحْمَنِ الرَّحِيمِ

## 1. Dibaji ya kitabu "Firqat-un-Naajiyah"

Himdi zote zinamstahiki Allaah. Tunamhimidi, tunamtaka msaada na kumuomba msamaha. Tunajilinda Kwake kutokana na shari ya nafsi zetu na uovu wa matendo yetu. Yule mwenye kuongozwa na Allaah, basi hakuna wa kumpoteza, na yule mwenye kupotezwa na Allaah, basi hakuna wa kumwongoza. Ninashuhudia ya kwamba hapana mola anayestahiki kuabudiwa isipokuwa Allaah na ninashuhudia ya kuwa Muhammad ni mja na Mtume Wake.

يَا أَيُّهَا الَّذِينَ آمَنُوا إِنَّمَا الَّهُ حَقٌّ تَقَاتِهِ وَلَا تَمُونُ إِلَّا وَأَنْتُمْ مُسْلِمُونَ

"Enyi mliaoamini! Mcheni Allaah kama apasavyo kuogopwa na wala msife isipokuwa nyinyi [mmeshakuwa] ni Waislamu." (03:102)

يَا أَيُّهَا النَّاسُ اتَّقُوا رَبَّكُمُ الَّذِي خَلَقَكُم مِّنْ نَفْسٍ وَاحِدَةٍ وَخَلَقَ مِنْهَا زَوْجَهَا وَبَثَّ مِنْهُمَا رِجَالًا كَثِيرًا وَنِسَاءً ۖ وَاتَّقُوا اللَّهَ الَّذِي  
تَسْأَلُونَ بِهِ وَالْأَرْضَ حَمَّ ۖ إِنَّ اللَّهَ كَانَ عَلَيْكُمْ رَقِيبًا

"Enyi watu! Mcheni Mola wenu Ambaye Amekuumbeni kutokana na nafsi moja na Akaumba kutoka humo mke wake na Akaeneza kutoka hao wawili wanaume wengi na wanawake. Na mcheni Allaah Ambaye Kwake mnaombana na jamaa. Hakika Allaah Amekuwa juu yenu Raqiybaa, Mwenye kuchunga." (04:01)

يَا أَيُّهَا الَّذِينَ آمَنُوا إِنَّمَا الَّلَّهُ وَقُولُوا قَوْلًا سَدِيدًا يُصْلِحُ لَكُمْ أَعْمَالَكُمْ وَيَعْفُرُ لَكُمْ دُنُوبَكُمْ ۝ وَمَنْ يُطِعِ اللَّهَ وَرَسُولَهُ فَقَدْ فَازَ  
فَوْزًا عَظِيمًا

**"Enyi mlaomini! Mcheni Allaah na semeni kauli ya kweli [ya sawasawa]. Atakutengenezeeni 'amali zenu na Kukusameheeni madhambi yenu; na anayemtii Allaah na Mtume Wake, basi kwa yakini amefanikiwa mafaniko adhimu."** (33:70-71)

Amma ba'd:

Hakika maneno ya kweli kabisa ni Maneno ya Allaah na uongofu bora kabisa ni wa Muhammad (Swalla Allaahu 'alayhi wa sallam). Mambo maovu kabisa ni ya kuzua. Kila kitakachozushwa ni Bid'ah. Kila Bid'ah ni upotevu. Kila upotevu ni Motoni.

Enyi ndugu! Ninamuomba Allaah (Tabarak wa Ta'ala) mkutano wetu huu iwe kwa ajili Yake, kushirikiana katika wema na taqwa, kuipenda na kuifikia haki. Tunaomba kama alivyotufunza Mtume (Swalla Allaahu 'alayhi wa sallam):

**"Ee Allaah! Mwendeshaji wa mbingu na ardhi, Mjuzi wa vyenye kuonekana na vilivyojificha, hakika Wewe utahukumu kati ya waja Wako katika yale waliyokuwa wakikhilafiana. Hivyo tuongoze juu ya yale waliyokhitilafiana kwayo katika haki. Hakika wewe unamwongoza umtakaye katika njia iliyonyooka."<sup>1</sup>**

Ndugu! Ninaomba udhuru kutokana na yaliyosemwa katika utangulizi. Si kweli ya kwamba mimi nimetumia nafsi na mali yangu katika njia ya Allaah. Tunaomba msamaha kwa Allaah na kutubu Kwake. Nakumbuka siku moja kuna mwanachuoni mmoja wa Misri alimsifu Shaykh Ibn Baaz kwa sifa ambazo

---

<sup>1</sup> Muslim (770) Ahmad (06/156).

anazistahiki. Shaykh Ibn Humayd (Rahimahu Allaah) akaomba udhuru kwa sifa hizi na kumwambia mtu yule kuwa amemsifu Shaykh mbele yake jambo ambalo si la sawa. Shaykh Ibn Baaz alikuwa amenyamaza ambapo baadae akasema na huku machozi yanambubujika:

"Ninaapa, na Allaah ndiye anajua zaidi, kuwa mimi sipendi kusifiwa sawa mbele yangu na kwa kujificha."

Amesema kweli Shaykh. Hili linatokamana na kunyenyeka kwake. Tunamuomba Allaah (Tabaarak wa Ta'ala) atujaalie tuwe ni wenye kunyenyeka Kwake na tuwe ni wakweli na wenye nia nzuri katika kunyenyeka kwetu. Tunamuomba Allaah atuepushe na kujionyesha na kupenda kusikika. Hakika Mola Wetu ni mwenye kuzisikia du'aa.

## 2. Ni kina nani Firqat-un-Naajiyah?

Ndugu! Anwani ya maudhui hii ni ile mliyoisikia juu ya kuzungumzia kuhusu kundi lilookoka, *Firqat-un-Naajiyah*, juhudhi zake kwa jumla na za kipekee, misingi na I'tiqaad zake. Tunapozungumzia Firqat-un-Naajiyah, pote lilonusuriwa, *Twaatifat-ul-Mansurah*, Ahl-ul-Hadiyth, wageni, *Ghurabaa* au Ahlus-Sunnah wal-Jamaa'ah, yote haya ni majina yanayosemwa kwa kukusudia kundi moja ambalo ndio la haki na ndio lenye kufuata Qur-aan na Sunnah. Tunasema haya kwa lengo la kusafisha utata na tetesi zinazoenezwa na baadhi ya watu wenye papara na wanarusha mawe kwa kujificha pale wanaposema kuwa tukisema Ahl-ul-Hadiyth au Twaatifat-un-Mansurah basi tunalenga kundi lililo mahali fulani. Tunajitenga mbali kwa Allaah na maneno haya.

Miaka mingi ya nyuma nimeandika kitabu "Makaanah Ahl-il-Hadiyth" na nikawaingiza humo katika ngazi ya kwanza wafuasi wa Shaykh Muhammad bin 'Abdil-Wahhaab (Rahimahumu Allaah), wanachuoni wa nchi hii, Ahl-ul-Hadiyth wa India, Anshaar-us-Sunnah wa Sudan na Misri na mashariki mwa Asia na sehemu nyenginezo. Kila yule ambaye anasifika na sifa hizi anaingia katika Firqat-un-Naajiyah au Twaatifat-ul-Mansurah au Ahl-ul-Hadiyth. Hawa ni wale ambao wana 'Aqiydah sahihi; hawamuabudu mwingine isipokuwa Allaah, hawamwombi mwingine isipokuwa Allaah, hawaombi uokozi kwa mwingine isipokuwa kutoka kwa Allaah na wakati wa shida na dhiki hawamkimbili yoyote isipokuwa Allaah (Tabaarak wa Ta'ala). Wanamtambua Allaah (Tabaarak wa Ta'ala) kwa Majina Yake mazuri na Sifa Zake kuu kama ilivyokuja katika Qur-aan na Sunnah na kama walivyoamini Salaf-us-Swaalih. Wameandika I'tiqaad yao katika vitabu ambavyo vingi katika hivyo vinapatikana hii leo kwenye mikono yenu. Ninawakusudia wote hawa. Tukisema "Firqat-un-Naajiyah" ninakusudia kila yule ambaye anashikamana kikweli na Qur-aan na

Sunnah kwa ufahamu wa Salaf-us-Swaalih katika 'Aqiydah, Shari'ah na 'ibaadah.

Vilevile wao ndio Ahl-ul-Hadiyth. Kwa kuwa wanamuabudu Allaah kwa kufuata Hadiyth katika I'tiqaad na 'ibaadah zao katika kipindi ambacho Ahl-ul-Bid'ah wamekataa kuyaamini yale ambayo yametolewa ushahidi na Hadiyth za Mtume (Swalla Allaahu 'alayhi wa sallam). Ni mamoja Hadiyth hizo ziwe zinahusiana na Sifa za Allaah au mambo yaliyofichikana katika adhabu ya kaburi, kuhojiwa ndani ya kaburi, kupita juu ya *Swiraat*, mizani, kushuka kwa 'Iysaa, kujitokeza kwa ad-Dajjaaj na kadhalika.

Ahl-ul-Bid'ah wanapinga maandiko yaliyothibiti katika Sunnah kwa hoja ya kwamba ni mapokezi yaliyopokelewa kwa njia moja na yanaweka dhana. Kwa ajili hiyo wanaonelea kuwa haifai yakafanywa ni msingi kujengea mambo ya 'Aqiydah katika yanayohusiana na Allaah au mambo yaliyofichikana ambayo tumetoka kuyaashiria.

### 3. Sifa za Firqat-un-Naajiyah

Ahl-ul-Hadiyth wanaenda kinyume na mapote haya potofu katika masuala haya. Wao Wanaamini kila kile kilichosihi na kuthibiti kutoka kwa Mtume wa Allaah (Swalla Allaahu 'alayhi wa sallam). Ni mamoja kitu hicho kiwe kinahusiana na mambo ya 'ibaadah, 'Aqiydah, mambo yaliyofichikana, alama za Qiyaamah na kadhalika.

Ninaposema Twaatifat-un-Naajiyah, Twaatifat-ul-Mansurah, Ahl-us-Sunnah au Ahl-ul-Hadiyth ninakusudia kundi moja. Huu ndio mfumo wao. Kwenye kilele chao kunakuja kwanza wanachuoni wa nchi hii. Kwenye kilele cha mifumo hii - na ni mfumo mmoja - ni ule mfumo unaofunzwa katika vyuo vikuu hivi ambao ni mfumo wa Salaf uliojengwa juu ya vigawanyo vya Tawhiyd kwa sura yake sahihi iliyochukuliwa kutoka katika Qur-aan na Sunnah.

Ninapozungumzia Firqat-un-Naajiyah nakusudia wale wote niliokutajieni na kukuelezeni sifa zao. Ni mamoja wawe katika nchi hii au nchi nyengineyo ilioko mashiriki au magharibi. Ni mamoja wawe wanaishi katika zama hizi au zama za hapo kabla mpaka wakati wa Mtume (Swalla Allaahu 'alayhi wa sallam). Siyasemi haya katika kikao hichi kifupi peke yake. Nimeyakariri kwa upana katika vitabu vingi na himdi zote ni za Allaah, Mola wa walimwengu. Hamtosomo kitabu [changu] isipokuwa mtakuta yanayotilia nguvu haya ninayoyasema, jambo ambalo linafanya kutoamini yanayosemwa na watu hawa.

#### **4. Tuhuma na uongo wa Ahl-ul-Bid'ah**

Ni juu ya watu hawa kumcha Allaah (Tabaarak wa Ta'ala) na wajue kuwa anawachunga. Wasiwaudhi waumini kwa dhuluma na kueneza tuhuma za uongo. Hakika kufanya hivi ni kuwazuia watu na njia ya Allaah.

Tangu tujue tumejifakharisha na mfumo wa Salaf. Mpaka hii leo tunapita katika mfumo mmoja na himdi zote ni Zake Allaah. Hatujionyeshi kwa rangi mbali mbali na wala hatufuati vichochoro. Badala yake tunafuata njia moja peke yake. Tunamuomba Allaah atuthibitishe na kutuimarisha juu yake mpaka hapo tutapokutana Naye. Vilevle tunamuombea kila yule ambaye tunaamini kuwa na yeze anafuata mfumo huu Allaah amthibitishe katika mfumo huu na auongoze Ummah wa Kiislamu wote uweze kurudi katika njia ya haki.

Nataka kuzungumzia maudhui haya ili pale tunaposema Firqat-un-Naajiyah, Ahl-ul-Hadiyth au Ahl-us-Sunnah wal-Jamaa'ah itambulike kuwa tunalenga kitu kimoja. Nimeshatangulia kuyazungumza na kuyaandika. Mimi kwangu naonelea kuwa yote ni kitu kimoja na ni kundi moja lililokusanyika katika haki hii tangu hapo kabla na mpaka hii leo.

#### **4. Salafiyyuun ndio wenyе kustahiki kuitwa "Firqat-un-Naajiyah"**

Hakika watu walio na furaha zaidi ya kuokoka na ambao wanastahiki kuitwa "Ahl-us-Sunanh" na "Anshaar-us-Sunnah" na ambao ni wenyе kumfuata Muhammad (Swalla Allaahu 'alayhi wa sallam) ni wale wenyе kufuata Qur-aan na Sunnah na yale waliyokuwa wakifuata Salaf-us-Swaalih na karne bora katika 'Aqiydah na mfumo.

Tukidurusu hali ya mapote ya Kiislamu, mifumo yao na historia yao basi tutakuja kuona kuwa wale wenyе kustahiki kuitwa Firqat-un-Naajiyah, Twaafat-un-Mansuurah au Ahl-ul-Hadiyth ni wale wenyе kushikamana na mfumo huu wa ki-Salafi sahihi ambao umejengwa juu ya Qur-aan na Sunnah katika mambo ya I'tiqaad, 'ibaadah, Shari'ah, siasa na mengineyo. Wao ndio wana haki zaidi ya kupewa wasifu huu wa kundi lililookoka, *Firqat-un-Naajiyah* na wao ndio Ahl-ul-Hadiyth. Kwa sababu wanachuoni wa Kiislamu pindi wanapoulizwa juu ya kundi lililonusuriwa, *Twaafat-un-Mansuurah* wanasema kuwa ni Ahl-ul-Hadiyth.

Ahl-ul-Hadiyth ambao tumekwelezeni ndio wameitwa hivyo. Ijapokuwa mapote mengi na wao wanazisoma Hadiyth na kuzihifadhi, lakini wao wametofautiana nao kwa sababu ni wenyе kushikamana bara bara na Hadiyth katika vipengele vyote vya Kiislamu kuanzia katika mambo ya I'tiqaad, 'ibaadah, siasa mengineyo. Hakika wao ni wenyе kushikamana bara bara na Kitabu cha Allaah.

Lau tutafuutilia historia ya mapote yote, I'tiqaad zao na mifumo yao basi tutakuja kuona kuwa Ahl-ul-Hadiyth ambao Imaam Ahmad, Ibn-ul-Mubaarak, Ibn Mahdiy, al-Bukhaariy na wengineo wamewaeleza kupitia Hadiyth:

**"Ummah wangu utafarikiana katika mapote sabini na tatu. Yote yataingia Motoni isipokuwa moja tu."** Maswahabah wakaauliza: **"Ee Mtume wa Allaah! Ni kina nani hao?"** Akasema: **"Ni wale wenyе kufuata yale**

**ambayo mimi na Maswahabah zangu tunafuata hii leo.<sup>"2</sup>** Katika upokezi mwingine: "**Mkusanyiko, Jamaa'ah.**"<sup>"3</sup>

bi maana mkusanyiko ambao umekusanyika katika haki ambayo imekuja na Muhammad (Swalla Allaahu 'alayhi wa sallam). Wanachuoni hawa wanapoulizwa juu ya watu hawa waliotajwa katika Hadiyth hii wanasema kuwa ni Ahl-ul-Hadiyth. Wanasema ikiwa hawakusudiwi Ahl-ul-Hadiyth basi sijui ni wepi wengine. Kwa msemo mwingine ni Ahl-ul-Hadiyth.

Wakati Ahmad, Ibn-ul-Mubaarak na wengine wanapoulizwa juu ya Hadiyth:

**"Halitoacha pote katika Ummah wangu kuwa juu ya haki wazi wazi, hawatowadhuru wale kupingana nao wala wenye kwenda kinyume nao mpaka kifike Qiyaamah."**<sup>"4</sup>

wanasema kuwa ni Ahl-ul-Hadiyth. Kwa nini wanasema hivi? Kwa kuwa wameona wao ndio wenye kusifika na Hadiyth hizi mbili zilizopokelewa kwa mapokezi mengi na si wengine. Wameona kuwa wao ndio wenye kuamini yaliyomo ndani ya Hadiyth katika mambo ya I'tiqaad sambamba na Qur-aan. Kisha wanafuatia wale waliowarithi Ahl-ul-Hadiyth katika mfumo huu mionganoni mwa mambo ya I'tiqaad, kuamini yale yenye kutolewa dalili na Aayah na Hadiyth, sawa mambo hayo yawe yanamzungumzia Allaah ('Azza wa Jall), Majina na Sifa Zake, Pepo na Moto na mengine. Ikiwa watu hao wanaamini yale yenye kutolewa ushahidi na Hadiyth na Aayah, imani ya kikweli, basi na wao pia ni Ahl-ul-Hadiyth.

---

<sup>2</sup> Ahmad (02/332) na (03/120), ad-Daarimiy katika "as-Sunan" (02/241) nambari (2552), Abu Daawuud (4596), at-Tirmidhiy (2642) ambaye amesema kuwa Hadiyth ni Hasan Swahiyh.

<sup>3</sup> Ahmad (03/145) na (04/102), Abu Daawuud (4597), Ibn Maajah (4040)).

<sup>4</sup> al-Bukhaariy (3641), Muslim (1037) na Ahmad (04/101).

Katika mambo ya 'ibaadah hawatangulizi neno la yejote juu ya Hadiyth ya Mtume wa Allaah (Swalla Allaahu 'alayhi wa sallam).

## 5. Wanachuoni wetu hawana ushabiki wa madhehebu

Tunaona kuwa wanachuoni wa Fiqh katika nchi hii wanajinasibisha na madhehebu ya Ahmad. Lakini sifa tulivoona wanatofautiana na wengine ni kuwa yale wanayopambanua Fataawaa zao zimejengwa juu ya Qur-aan na Sunnah. Hili ni tofauti na wafuasi wa madhehebu mengine. Kukiwa kuna Hadiyth yenyewe kwenda kinyume na madhehebu basi tunayarudisha kwa ajili ya Hadiyth. Madhehebu yakenda kinyume na Aayah tunayarudisha kwa ajili ya Allaah. Tumeona haya katika mafunzo yao, Khutbah zao, mihadhara yao, vitabu vyao na Fataawaa zao. Utawaona ni wenye kuitanguliza Hadiyth hata ikiwa ni mbele ya kauli ya Ahmad bin Hanbal na mwengineo. Hawa ndio Ahl-ul-Hadiyth, Firqat-un-Naajiyah na Twaaifat-un-Mansurah. Haya ndio tunamuabudu Allaah kwa kuyaamini na ni kitu chenye kuhisiwa. Yule ambaye anataka kuhakikisha hili arejee katika Fataawaa, mihadhara na vitabu atayapata haya.

Kwa ajili hii baadhi ya watu wa fitina wanajaribu kutumia jina la Ahl-ul-Hadiyth au Salafiyyuun kwa watu wenye sifa kama hii na kusema kuwa wanaokusudiwa ni watu wengine! Vitabu vyetu na mihadhara yetu hii inaingiza wabebaji wa Da'wah hii tokea hapo zamani mpaka hii leo wa nchi hii ambayo Allaah ameunufaisha Ummah wa Kiislamu kupitia Da'wah yake na akawaamsha walalaji na akawatoa katika giza la ujinga na upotevu kwa sababu ya Da'wah hii.

## 6. Kuenea kwa Da'wah ya Salafiyyah

Leo kundi la Salafiyyah linaenea ulimwenguni. Wanafuata Qur-aan na Sunnah. Hili ni kutokana na athari ya Da'wah ya Imaam Mujaddid Muhammad bin 'Abdil-Wahhaab ambaye alibeba panga sambamba na msahafu na akasimamisha dola ya Kiislamu inayohukumu kwa Shari'ah ya Allaah na kuinusuru haki. Dola hiyo ikaasisi vyuo vikuu, masomo na vituo. Vyuo hivyo vikazalisha mamilioni ya watu ili kuinusuru Da'wah hii ya Salafiyyah ya kweli ambayo Allaah amewanufaisha watu kwayo mashariki na magharibi. Lau ingelikuwa sio kampeni inazokabiliana nazo Da'wah hii, basi ingezibadilisha hali za waislamu na wasingelikuwa hivi walivo leo kwa sababu ya Da'wah hii ambayo imekuja huku. Da'wah ambayo inaang'aza nuru ya Uislamu, nuru ya imani na nuru ya Tawhiyd. Hiki ni kitu kisichopinga yejote isipokuwa mwenye chuki na vifundo ambaye ana chuki juu ya Da'wah hii ya Salafiyyah. Hizi ni fadhila za Allaah (Tabaarak wa Ta'ala) kwa hii leo waislamu kuamka na kutumia dalili katika vitabu na darsa zao kwa "Allaah amesema" na "Mtume wa Allaah amesema". Fadhila zote hizi zinarejea katika Da'wah hii ya Salafiyyah ambayo Allaah ameuokoa kwayo mji huu na kuutoa katika ujinga, shirki, upotevu, Bid'ah, vurugu na ushenzi na kuupeleka katika mwanga wa Tawhiyd, uadilifu, inswafu na nidhamu katika mambo ya dini na dunia.

Tunamuomba Allaah (Tabaarak wa Ta'ala) aondoshe vikwazo kupitia Da'wah hii mpaka iweze kutapakaa zaidi katika ulimwengu wa Kiislamu.

## 7. Rabiy' al-Madkhaliy akiwa Bangladesh na Pakistan

Nilienda Bangladesh na kukuta watu wake ni washabiki wa Suufiyyah na Ahnaaf. Lakini hata hivyo walikuwa wako mbioni kutafuta mfumo wa chuo kikuu cha Kiislamu ambao ni mfumo wa Kiislamu na ulio sahihi ki-'Aqidah na Kishari'ah. Watu wa fitina ambao walikuwa wametiwa mchanga wa machoni kuhusu chuo kikuu hichi walikuwa wakijaribu kuzuia baina ya watu na kufikia mfumo huu.

Kadhalika nikaenda Pakistan ambapo nikakuta watu wako mbioni kutafuta mfumo wa chuo kikuu cha Kiislamu. Lau watu hawa wangelipata mtu wa kuwasaidia juu ya mfumo huu, basi hali ya masomo haya ingelibadilika. Hali ambayo imejengwa juu ya ushabiki wa kufuata kichwa mchunga u-Suufiy na kufuata kiupofu madhehebu.

## **8. Salafiyyuun wanafuata karne bora zilizosifiwa na Mtume ('alayhis-Salaam)**

Ninasema kwa mara nyingine ya kwamba watu ambaa ni aula zaidi wanastahiki kuitwa kwa wasifu huu wa Firqat-un-Naajiyah na Twaaifat-un-Mansuurah ni Ahl-ul-Hadiyth. Wanaokuja katika msitari wa mbele kabisa ni Maswahabah wa Muhammad (Swalla Allaahu 'alayhi wa sallam). Maswahabah wa Mtume wa Allaah (Swalla Allaahu 'alayhi wa sallam) hawakuifungua dunia nzima isipokuwa kwa "Allaah amesema" na "Mtume wa Allaah amesema". Wakazalisha wanachuoni vigogo juu ya "Allaah amesema" na "Mtume wa Allaah amesema". Karne tatu bora ambazo Mtume (Swalla Allaahu 'alayhi wa sallam) amezisifu pale aliposema:

**"Watu bora ni wa karne yangu, kisha wataofuatia, kisha wataofuatia."<sup>5</sup>**

Hizi ndio karne bora ambazo Mtume wa Allaah (Swalla Allaahu 'alayhi wa sallam) amezitolea ushuhuda hazikuwa na jengine zaidi ya "Allaah amesema" na "Mtume wa Allaah amesema". Walikuwa wakiwafunza waarabu na wasiokuwa waarabu. Kila anayeingia katika Uislamu walikuwa wanamfunza malezi sahihi yaliyojengwa juu ya "Allaah amesema" na "Mtume wa Allaah amesema" katika mambo ya I'tiqaad, 'ibaadah, tabia, siasa na mengine yote.

---

<sup>5</sup> al-Bukhaariy (2652) na Muslim (2533).

## 9. Mapote yaliyojitokeza wakati wa Maswahabah na Taabi'uun

Kisha baada ya hapo kukaja karne ambazo Mtume wa Allaah (Swalla Allaahu 'alayhi wa sallam) amesema juu yake:

**"Halafu kutakuja watu ambao watatoa ushuhuda pasina kutolewa ushuhuda, wenyewe kuweka nadhiri pasina kuzitekeleza na watakuwa ni wenyewe kufungamana na dunia."<sup>6</sup>**

Katika upokezi mwingine:

**"Ushuhuda wa mmoja wao ni wenyewe kutangulia kiapo chake na kiapo chake ni chenye kutangulia ushuhuda wake."**

Allaah (Tabarak wa Ta'ala) amewaokoa wale wenyewe kushikamana na Qur-aan na Sunnah katika I'tiqaad na ya 'ibaadah na karne hizi zenyeye kusifika kwa sifa hizi zenyeye kulaumiwa. Na waliookoka si wengine isipokuwa ni Ahl-ul-Hadiyth.

Watu waligawanyika katika Jahmiyyah, Mu'tazilah, Khawaarij, Raafidhwah, Murji-ah na kadhalika. Watu hawa wana mielekeo iliyopinda inayoenda kinyume na Qur-aan na Sunnah. Pote hili lililookoka na lililonusuriwa likabaki juu ya Kitabu cha Allaah (Ta'ala). Wao ndio wenyewe kustahiki wasifu wa kunusuriwa. Kwa sababu Allaah ni Mwenye kuwanusuru duniani ima kwa hoja na dalili au kwa silaha na ulimi.

---

<sup>6</sup> al-Bukhaariy (2651) na Muslim (2535).

## 10. Ni kwanini Salafiyyuun wameitwa "Firqat-un-Naajiyah"?

Wamesifika kuokolewa kwa sababu wameokoka Aakhirah na adhabu ya Allaah ambayo Allaah amewatishia nayo mapote hayo pale Mtume Wake (Swalla Allaahu 'alayhi wa sallam) aliposema:

**"Ummah wangu utafarikiana katika mapote sabini na tatu. Yote yataingia Motoni isipokuwa moja tu."** Maswahabah wakauliza: "Ee Mtume wa Allaah! Ni kina nani hao?" Akasema: "Ni wale wenye kufuata yale ambayo mimi na Maswahabah zangu tunafuata hii leo."<sup>7</sup>

Pelelezeni mapote yote na nyinyi wenyewe mtajionea ni kina nani wenye kusifika na wasifu huu:

**"Ni wale wenye kufuata yale ambayo mimi na Maswahabah zangu tunafuata hii leo."**

Bila ya shaka si wengine isipokuwa ni Ahl-ul-Hadiyth ambao wana I'tiqaad sahihi. Ahl-ul-Hadiyth ambao wanapambana na shirki, upotevu na Bid'ah. Haijalishi kitu Bid'ah hizo zikiwa zinahusiana na mambo ya 'ibaadah, ada na mambo ya I'tiqaad. Ahl-ul-Hadiyth ni hawa hapa.

Wameitwa watu waliookolewa kwa kuzingatia ya kwamba ni wenyе kuokolewa pindi mapote haya yatapoangamia kwa sababu ya upotevu wao. Wameitwa watu walonusuriwa kwa sababu ya kupata sapoti kutoka kwa Allaah kwa hoja na dalili.

---

<sup>7</sup> Ahmad (02/332) na (03/120), ad-Daarimiy katika "as-Sunan" (02/241) nambari (2552), Abu Daawuud (4596), at-Tirmidhiy (2642) ambaye amesema kuwa Hadiyth ni Hasan Swahiyh.

Hakuna yeote awezae kuwaelekeza katika uwanja wa utumiaji dalili kwa njia sahihi na wala katika uwanja wa 'Aqiydah wala uwanja mwingine wowote. Wao ndio wenyewe kunusuriwa na himdi zote ni za Allaah. Hii ndio nusura kubwa kwa sababu hivi ndivyo walivyonusuriwa Mitume (Swalla Allaahu 'alayhim wa sallam). Mitume wakubwa ambao Allaah (Subhaanahu wa Ta'ala) amesema juu yao:

إِنَّا لَنَصْرُ رُسُلَنَا وَالَّذِينَ آمَنُوا فِي الْحَيَاةِ الدُّنْيَا وَيَوْمَ يَقُولُونَ الْأَشْهَادُ

**"Hakika Sisi Tutawanusuru Mitume Wetu na wale walioamini katika uhai wa dunia na Siku watakayosimama mashahidi." (40:51)**

Kunusuriwa kwao ni kwa kusimamisha hoja. Mitume wengi (Swalla Allaahu 'alayhim wa sallam) hawakuja kwa panga. Bali walikuja kwa hoja na dalili ambayo walikuwa wakiangusha batili kwayo na Allaah (Subhaanahu wa Ta'al) akiwanusuru dhidi ya maadui zao. Anawanusuru duniani kwa kusimamisha hoja na kuwaangamiza maadui zao kama Allaah alivyofanya kwa watu wa Nuuh, watu wa 'Aad na watu wa Swaalih. Huku ndio kuwanusuru duniani.

Vilevile siku ya Qiyaamah Allaah (Tabarak wa Ta'ala) atawanusuru. Mbora wa kuhukumu na mbora wa uadilifu atawapambanua kati yao na wenyewe kwenda kinyume nao. Maadui zao wataingia Motoni na wao wataingia Peponi. Hii ndio nusura kubwa yenye kutoka kwa Allaah (Tabarak wa Ta'ala) kwa Mitume Wake (Swalla Allaahu 'alayhim wa sallam) na wale walioamini katika maisha ya duniani na Aakhirah.

Leo ni nani anayeweza kusimama kukabiliana na pote hili kwa hoja na dalili. Haijalishi kitu hata kama anaweza kushinda kwa silaha na ulimi kwa kipindi fulani, lakini uwezeshaji na nusura ya kihakika ya silaha na ulimi ni yenye kutarajiwa kwa pote hili - Allaah akitaka. Tunamuomba Allaah (Tabarak wa Ta'ala) alinusuru duniani na Aakhirah kwa sababu lenyewe ndio lenye kufuata

haki. Tunatarajia kutoka kwa Allaah (Tabaarak wa Ta'ala) kuliokoa Aakhirah kwa sababu ya kuziuma kwa magego Sunnah za Mtume wa Allaah (Tabaarak wa Ta'ala) na Maswahabah zake (Radhiya Allaahu 'anhum).

## 11. Hawa ndio viongozi wa Firqat-un-Naajiyah

Firqat-un-Naajiyah na Twaaifat-un-Mansuurah nakusudia kuanzia walioko wakati huu na wakati wa Mswahabah watukufu (Radhiya Allaahu 'anhuma) na watu wa karne bora. Katika hao wanaokuja nafasi ya mbele kabisa ni Abu Bakr, 'Umar, 'Uthmaan, 'Aliy, Maswahabah kumi waliobashiriwa Pepo, waliopigana vita vya Badr, waliota bay'ah chini ya mti na wengineo katika Maswahabah wa Mtume wa Allaah (Swalla Allaahu 'alayhi wa sallam). Hawa ndio mabwana na viongozi wa pote hili. Siyasemi haya kutoka kwangu. Haya yamesemwa na Ibn Taymiyyah pale aliposema:

"Hakika viongozi wa kundi lililookoka, *Firqat-un-Naajiyah* ni Mtume wa Allaah (Swalla Allaahu 'alayhi wa sallam) na Maswahabah zake (Radhiya Allaahu 'anhuma)."

Japokuwa mimi nina maoni yangu yanayosema kuwa Maswahabah wa Mtume wa Allaah (Swalla Allaahu 'alayhi wa sallam) wako juu kabisa ya Firqat-un-Naajiyah na Twaaifat-un-Mansuurah. Haya ni maoni ya Ibn Taymiyyah (Rahimahu Allaah) ambayo nimependa kuyanukuu tu kama amana. Ibn Taymiyyah yeche anaonelea kuwa viongozi wa pote hili ni Mtume wa Allaah (Swalla Allaahu 'alayhi wa sallam) na Maswahabah zake (Radhiya Allaahu 'anhuma).

Kisha baada ya hapo wanakuja maimamu wa Taabi'uun kama Sayyid bin Musayyib, 'Urwah bin az-Zubayr, 'Ubaydullaah bin 'Utbah bin Mas'uud, Qaasim bin Muhammad bin Abiy Bakr as-Swiddiyq, Saalim bin 'Abdillaah bin 'Umar, Hasan al-Baswriy, 'Umar bin 'Abdil-'Aziyz, Muhammad bin Shihaab az-Zuhriy na wengineo mionganoni mwa wabora katika Taabi'uun (Radhiya Allaahu 'anhuma).

Halafu baada ya hapo watu hawa wanafuatiwa na waliokuja baada ya Taabi'uun ambao ni maimamu wa Firqat-un-Naajiyah na Twaafat-ul-Mansuurah na wao wakati huo huo ni Ahl-ul-Hadiyth. Katika hao ni pamoja na Imaam Maalik, Imaam al-Awzaa'iyy, Yuunus bin Yaziyd al-Ayliy ambaye alikuwa ni mmoja katika vigogo wa watu wa az-Zuhriy (Radhiya Allaahu 'anhuma). Ngazi ya pili katika waliokuja baada ya Taabi'uun ni pamoja na Hammaad bin Salamat, Sufyaan ath-Thawriy, Sufyaan bin 'Uyaynah na wanafunzi wao kama Yahyaa bin Sa'iyd al-Qattwaan, 'Abdur-Rahmaan bin Mahdiy, Zubayr bin Harr na wengineo. Wanaofuatia baada ya watu hawa ni Imaam Ahmad bin Hanbal ambaye ni Imaam wa Ahl-us-Sunnah wal-Jamaa'ah kwa haki na ni as-Swiddiyq wa pili kama inavosemekana juu yake (Radhiya Allaahu 'anh). Amefananishwa na Abu Bakr as-Swiddiyq (Radhiya Allaahu 'anh) wakati aliposimama kidete dhidi ya wenye kurtadi. Allaah alimfanya kuwa imara katika ile fitina iliyotokea kama alivyomfanya imara Abu Bakr as-Swiddiyq (Radhiya Allaahu 'anh) na kusema:

**"Nitapambana na mwenye kutofautisha kati ya swalah na zakaah hata kama watanizuia. Walikuwa ni wenye kuitoa kumpa Mtume wa Allaah (Swalla Allaahu 'alayhi wa sallam). Hivyo nitawapiga vita kwa ajili yake."<sup>8</sup>**

Allaah amuwie radhi. Maswahabah walikuwa wakitofautiana naye katika maoni haya. Hatimae wakastarehe na kupata utulivu juu ya maoni yake. Akasimama kidete katika mapambano haya dhidi ya wenye kurtadi na hivyo Allaah akawafanya kurudia katika Uislamu kwa sababu ya msimamo thabiti.

Vilevile Imaam Ahmad (Radhiya Allaahu 'anh) alisimama kidete juu ya fitina katika zama zake, akakabiliana nazo, akafanya ustahamilivu, akapigwa na kufedheheshwa kiasi kisichojuu yejote zaidi ya Allaah (Tabarak wa Ta'ala).

---

<sup>8</sup> al-Bukhaariy (1399) na (1400) na Muslim (20).

Mwisho mwema ulikuwa wake na ikawa ni sababu ya kunusuriwa Sunnah ya Mtume wa Allaah (Swalla Allaahu 'alayhi wa sallam). Imaam Ahmad ndio Imaam wa Ahl-us-Sunnah na ndio Imaam wa [wanachuoni] waliokuja baada yake pasina kipingamizi. Kila mwenye kwenda kinyume na njia ya Imaam huyu, basi huyo ni katika wapotevu. Hivyo ndivyo amepokea Shaykh-ul-Islaam Ibn Taymiyyah (Rahimahu Allaah) ya kwamba 'Abdul-Qaadir [al-Jaylaaniy] (Rahimahu Allaah) aliulizwa:

**"Je, kunaweza kupatikana kipenzi cha Allaah ambaye anaifuata njia isiyokuwa ya Ahmad?" Akajibu kwa kusema: "Hakuna na hatokuwepo."<sup>9</sup>**

Imaam Ahmad ndio Imaam wa Ahl-us-Sunnah. Watu waliokuwa katika ngazi zake ni pamoja na 'Aliy bin al-Madiyniy, Yahyaa bin Ma'iyn, Abu Bakr bin Abiy Shay'bah, Zuhayr bin Harb na watu mfano wao katika waalimu wa kina al-Bukhaariy na Muslim.

Baada ya hapo wakaja wabebaji wengine wa bendera akiwa ni pamoja na al-Bukhaariy, Abu Haatim, Abu Zur'ah, Imaam Muslim, Abu Daawuud, at-Tirmidhiy, an-Nasaa'iy, Ibn Maajah na maimamu wengine waliokuwa wakati wao. Watu hawa ndio walikuwa maimamu wa Ahl-us-Sunnah wal-Jamaa'ah inapokuja katika kuilingania na kuiandika Sunnah hii na kuraddi mapote potevu kama itakavyokuja huko mbeleni.

Halafu baada ya hapo wakaja wanafunzi zao mfano wa kina Ibn Khuzaymah na wengine waliokuwa katika zama zake, 'Uthmaan Ibn Sa'iyd ad-Daarimiyy na watu mfano wake ambao walibeba bendera ya Sunnah na wakapambana kwa ajili yake na wakaitetea (Radhiya Allaahu 'anhuma).

---

<sup>9</sup> Tazama "al-Istiqaamah" (01/55) ya Shaykh-ul-Islaam na "Twabaqaat al-Hanaabilah" ya Ibn Rajab (01/296).

Kisha baada yao wakaja kina ad-Daaraqutniy na wengine waliokuwa katika zama zake. Baada yao wakaja wakina al-Khatwiyb [al-Baghdaadiy] na wengine waliokuwa katika zama zake. Baada yao wakaja wakina 'Abdul-Ghaniy al-Maqdisiy, Ibn Qudaamah, na al-Dhwiyaa' al-Maqdisiy. Baada yao wakaja wa kina Ibn Taymiyyah na wanafunzi zake na marafiki zake kama al-Mizziy, Ibn-ul-Qayyim, adh-Dhahabiy, Ibn Kathiyr na Ibn Rajab [al-Hanbaliy].

Baada ya hapo kukapita muda kidogo. Halafu akaja Mujaddid wa haki ambaye aliusafisha Uislamu kidini na kidola. Naye si mwagine huyo bali ni Imaam Muhammad bin 'Abdil-Wahhaab (Radhiya Allaahu 'anh). Allaah amjaze kheri na wanafunzi zake na wale waliofuata mfumo wake.

## 12. Firqat-un-Naajiyah wako kati kwa kati

Ndugu! Hawa kwa jumla na kwa kifupi ndio Firqat-un-Naajiyah, Twaaifat-un-Mansurah, Ahl-ul-Hadiyth na wageni. Unaweza kuwaita utakavyo katika kuwasifu na kuwapa matapo wanayostahiki na yanayotolewa dalili na Qur-aan. Viongozi wao katika uwanja huu ni Maswahabah wa Mtume wa Allaah (Swalla Allaahu 'alayhi wa sallam) ambao Allaah (Subhaanahu wa Ta'ala) amesema juu yao:

كُنْتُمْ خَيْرَ أُمَّةٍ أُخْرَجْتُ لِلنَّاسِ تَأْمِرُونَ بِالْمَعْرُوفِ وَنَهَايُونَ عَنِ الْمُنْكَرِ وَتُؤْمِنُونَ بِاللَّهِ فَوْلَوْ آمَنَ أَهْلُ الْكِتَابِ لَكُمْ خَيْرٌ مِّنْهُمْ مِّنْهُمُ الْمُؤْمِنُونَ وَأَكْثُرُهُمُ الْفَاسِقُونَ

"Mmekuwa Ummah bora kabisa uliotolewa [mfano] kwa watu; mnaamrisha mema na mnakataza maovu na mnamwamini Allaah. Na lau wangeliamini watu wa Kitabu ingelikuwa ni bora kwao, mionganoni mwao wanaoamini na wengi wao ni mafasiki." 03:110

Allaah (Tabarak wa Ta'ala) amesema juu yao:

وَكَذَلِكَ جَعَلْنَاكُمْ أُمَّةً وَسَطًا لِتَكُونُوا شُهَدَاءَ عَلَى النَّاسِ وَيَكُونَ الرَّسُولُ عَلَيْكُمْ شَهِيدًا

"Na ndivyo hivyo Tumekufanyeni ummah wa kati na kati ili muwe mashahidi juu ya watu na awe Mtume shahidi juu yenu." 02:143

"wakati na kati" bi maana waadilifu. Hawana kuvuka mipaka wala kuzembea. Wanaenda kinyume na mayahudi ambao walizembea kwa Manabii na Mitume wa Allaah ('alayhimus-Swalaatu was-Salaam) ikiwa ni pamoja na 'Iysaa (Swalla Allaahu 'alayhi wa sallam) na wakawaua Mitume ('alayhimus-Swalaatu was-Salaam). Vilevile hawako kama manaswara ambao walivuka mipaka kwa kiumbe ambaye ni Mtume mpaka wakafikia kumfanya kuwa ni mtoto wa Allaah

na wengine wakmfanya yeeye kuwa ndiye Allaah kabisa na wakaamini imani ya utatu.

### 13. Firqat-un-Naajiyah ni wenyewe kuwafuata Maswahabah kwa wema

Firqat-un-Naajiyah wako kati na kati baina ya nyumati hizi na waadilifu katika kila uwanja wa haki. Allaah (Ta'ala) amesema juu yao:

وَالسَّائِقُونَ الْأَوَّلُونَ مِنَ الْمُهَاجِرِينَ وَالْأَنْصَارِ وَالَّذِينَ اتَّبَعُوهُمْ بِإِحْسَانٍ

**"Na wale walio tangulia awali [katika Uislamu] mionganoni mwa Muhaajiriyn na Answaar na wale waliowafuata kwa wema..."**

Waliowafuata kwa wema sio Taabi'uun peke yao katika istilahi inayojulikana. Makusudio ni wale waliowafuata katika kushikamana na Qur-aan na Sunnah na kufuata uongofu wa Muhammad (Swalla Allaahu 'alayhi wa sallam) mpaka siku ya Qiyaamah. Hawa ndio Twaaifat-un-Mansuurah na Ahl-ul-Hadiyah na wale walio fuata uongofu wao. Hichi ndio kiambatanisho kati ya watu hawa na Maswahabah wa Mtume wa Allaah (Swalla Allaahu 'alayhi wa sallam) ambao Allaah (Tabarak wa Ta'ala) amewaridhia. Allaah amewaridhia Maswahabah wale walio tangulia wa kwanza mionganoni mwa Muhaajiriyn na Answaar na wale waliowafuata kwa wema mpaka siku ya Qiyaamah:

وَالسَّائِقُونَ الْأَوَّلُونَ مِنَ الْمُهَاجِرِينَ وَالْأَنْصَارِ وَالَّذِينَ اتَّبَعُوهُمْ بِإِحْسَانٍ رَّضِيَ اللَّهُ عَنْهُمْ وَرَضُوا عَنْهُ وَأَعْدَّ لَهُمْ جَنَّاتٍ بَجْرِي تَحْتَهَا  
الْأَنْهَاءُ حَالِدِينَ فِيهَا أَبَدًا ﴿١٢﴾ ذَلِكَ الْفَوْزُ الْعَظِيمُ

**"Na wale walio tangulia awali [katika Uislamu] mionganoni mwa Muhaajiriyn na Answaa na wale waliowafuata kwa wema; Allaah Ameridhika nao nao wameridhika Naye. Na Amewaandalia mabustani yapitayo chini yake mito, ni wenyewe kudumu humo milele - huko ndiko kufuzu kukuu." (09:100)**

Aayah hii inazidi kutilia nguvu Hadiyth kuhusu pote lililookoka, *Firqat-un-Naajiyah* na Hadiyth kuhusu kundi lililonusuriwa, *Twaaiifat-un-Mansuurah*. Hakika maandiko haya yanazidi kutilia nguvu Hadiyth hizi. Qur-aan inasapoti Hadiyth na Hadiyth inasapoti Qur-aan na kuisafiri, kuiweka wazi na kupambanua zile Aayah zake za jumla. Huu ni uhakikisho uliyothibiti kutoka kwa Mtume wa Allaah (Swalla Allaahu 'alayhi wa sallam) ambaye Allaah (Subhaanahu wa Ta'ala) amesema juu yake:

وَأَنْزَلْنَا إِلَيْكَ الْذِكْرَ لِتُبَيِّنَ لِلنَّاسِ مَا نُزِّلَ إِلَيْهِمْ وَلَعَلَّهُمْ يَتَفَكَّرُونَ

**"Na Tumekuteremshia Ukumbusho ili uwabainishie watu yaliyoteremshwa kwao na huenda wakapata kutafakari." (16:44)**

Aaya hii inaambatanisha kati ya wafuasi hawa ambao Mtume wa Allaah (Swalla Allaahu 'alayhi wa sallam) ameeleza kuwa ni wenyewe kuokoka na Allaah (Tabarak wa Ta'ala) akaeleza kuwa amewaridhia na kwamba atawaingiza kwenye mabustani ambayo chini yake kunapita mito. Kwa nini? Ni kwa sababu wamewafuata Maswahabah kwa wema. Wamewafuata Muhaajiriyn na Answaar kwa wema. Vipi tutawafuata kwa wema ikiwa mfumo tunaofuata sio wa Qur'aan na Sunnah? Yule asiyetegemea Qur-aan na Sunnah kimfumo katika 'Aqiydah na 'ibaadah zake ni vipi atakuwa mwenye kuwafuata Maswahabah wa Mtume wa Allaah kwa wema? Itawezekanaje ilihali ameenda kinyume nao katika suala muhimu kabisa la 'Aqiydah na katika mambo mengine? Hawa sio wenyewe kuwafuata. Haiwezekani katu ikasemwa kiakili na kihisia ya kwamba watu hawa wamewafuata Maswahabah wa Mtume wa Allaah (Swalla Allaahu 'alayhi wa sallam) miongoni mwa Muhaajiriyn na Answaar ya kuwa wamewafuata kwa wema. Isipokuwa ikiwa kama mtu hakukusudia kuteleza kwa sababu kwa sura hiyo, hili litawagusa watu wengi.

## 14. Ulazima wa kuwafuata Maswahabah kwa wema

Hata hivyo tukiangalia kwa sura ya uadilifu pasina kufuata matamanio na kusemesha kweli, basi tunaweza kusema kuwa hakuna wenyе kuwafuata kwa wema kikweli isipokuwa watu sampuli hii ambaо wameshikamana bara bara na Qur-aan na Sunnah na wakafuata njia ya waumini ambayo Allaah amesema juu yake:

وَمَن يُشَاقِّ الرَّسُولَ مِنْ بَعْدِ مَا تَبَيَّنَ لَهُ الْهُدَىٰ وَيَتَّنَعَّ غَيْرُ سَبِيلِ الْمُؤْمِنِينَ نُوَلِّهِ مَا تَوَلَّ وَنُصْلِهِ جَهَنَّمَ ۖ وَسَاءَتْ مَصِيرًا ۖ

**"Na atakayempinga Mtume baada ya kuwa imeshambainikia uongofu na akaifuata njia isiyokuwa ya Waumini; Tutamgeuza alikogeukia [mwenyewe upotofuni] na Tutamuingiza [Moto wa] Jahannam - na uovu ulioje mahali pa kuishia." (04:115)**

Huu ni ulazimisho wenyе kutoka kwa Allaah (Tabarak wa Ta'ala) juu ya kufuata njia ya waumini ambaо ni Maswahabah wa Mtume wa Allaah (Swalla Allaahu 'alayhi wa sallam). Sambamba na hilo Allaah amewatishia Moto wale wenyе kwenda kinyume nao:

وَمَن يُشَاقِّ الرَّسُولَ مِنْ بَعْدِ مَا تَبَيَّنَ لَهُ الْهُدَىٰ وَيَتَّنَعَّ غَيْرُ سَبِيلِ الْمُؤْمِنِينَ

**"Na atakayempinga Mtume baada ya kuwa imeshambainikia uongofu na akaifuata njia isiyokuwa ya Waumini..."**

Ni kina nani? Ni ipi njia yao? Njia yao ni Qur-aan na Sunnah katika mambo ya 'Aqiydah na 'ibaadah na mengineyo.

نُوَلِّهِ مَا تَوَلَّ وَنُصْلِهِ جَهَنَّمَ ۖ وَسَاءَتْ مَصِيرًا ۖ

"... Tutamgeuza alikogeukia [mwenyewe upotofuni] na Tutamuingiza [Moto wa] *Jahannam* - na uovu ulioje mahali pa kuishia."

Hili linakwenda sambamba na Hadiyth inayosema:

**"Ummah wangu utafarikiana katika mapote sabini na tatu. Yote yataingia Motoni isipokuwa moja tu."** Maswahabah wakauliza: "Ee Mtume wa Allaah! Ni kina nani hao?" Akasema: "Ni wale wenye kufuata yale ambayo mimi na Maswahabah zangu tunafuata hii leo."<sup>10</sup>

Hawa wameenda kinyume na njia ya Maswahabah wa Mtume wa Allaah (Swalla Allaahu 'alayhi wa sallam) na wakafuata njia ya isiyokuwa waumini. Wanachuoni wamesema kuwa mapote haya yanarejea katika Jahmiyyah, Mu'tazilah, Raafidhwah, Khawaarij na Murji-ah. Hata kama makundi ni mengi lakini yanarejea katika machimbuko haya. Kinachowakutanisha ni kwenda kinyume na Maswahabah wa Mtume wa Allaah (Swalla Allaahu 'alayhi wa sallam) na kwenda kinyume nao baada ya kuwa uongofu umekwishawabainikia. Watu hawa wanastahiki matishio haya makali ya adhabu. Inafahamisha kuwa hakuna mwenye kuokoka isipokuwa yule mwenye kufuata njia ya waumini. Ikiwa hawa ambao wanaenda kinyume nao na kupingana nao wanastahiki matishio haya, ina maana ya kwamba yule mwenye kufuata na wakati huo huo haendi kinyume na hapingani na njia hiyo, anastahiki yale wanayostahiki Maswahabah wa Mtume wa Allaah (Swalla Allaahu 'alayhi wa sallam) katika ahadi ya kweli katika Kauli Yake:

---

<sup>10</sup> Ahmad (02/332) na (03/120), ad-Daarimiy katika "as-Sunan" (02/241) nambari (2552), Abu Daawuud (4596), at-Tirmidhiy (2642) ambaye amesema kuwa Hadiyth ni Hasan Swahiyh.

وَالَّذِينَ اتَّبَعُوهُمْ بِإِحْسَانٍ رَّضِيَ اللَّهُ عَنْهُمْ وَرَضُوا عَنْهُ وَأَعَدَّ لَهُمْ جَنَّاتٍ تَجْرِي تَحْتَهَا الْأَنْهَارُ حَالِدِينَ فِيهَا أَبَدًا ﴿٤٦﴾  
الْعَظِيمُ

"... na wale waliowafuata kwa wema; Allaah Ameridhika nao nao wameridhika Naye. Na Amewaandalia mabustani yapitayo chini yake mito, ni wenye kudumu humo milele - huko ndiko kufuzu kukuu." (09:100)

Wameokoka na matishio ambayo Allaah amewatishia wale wenye kupingana na kwenda kinyume na njia ya waumini kwa sababu wamefuata njia ya waumini.

## 15. Salafiyyuun wanatolewa ushuhuda na Qur-aan na Sunnah

Hawa maimamu katika karne mbali mbali ambao tumekutajieni, maandiko ya Qur-aan na Sunnah yanawatolea ushuhuda juu ya kwamba wako katika haki. Wameandika hayo katika vitabu vingi mbali mbali ambavyo ndani yake wamebainisha haki na kuwaponda Ahl-ul-Bid'ah kwa mapote yao mbali mbali kwa sapoti ya Qur-aan na Sunnah.

Hebu tuangalie "as-Swahiyh" ya al-Bukhaariy. Mwanzo wa kitabu chake ameanza "Mlango unaozungumzia namna Wahyi ulivyoanza". Ameasisi kitabu chake juu ya Wahyi ambao ndio imani inasimama juu yake. Kisha akafuatisha mlango unaozungumzia imani ambapo ndani yake ametaja dalili za Ahl-us-Sunnah wal-Jamaa'ah wanaotofautiana na Ahl-ul-Bid'ah na khaswa Murji'ah. Mlango wa imani unazungumzia Fiqh, 'Aqiydah na Hadiyth. Humo amebainisha mfumo wa Firqat-un-Naajiyah na Twaaifat-un-Mansuurah ambao ni Ahl-ul-Hadiyth na Ahl-us-Sunnah wal-Jamaa'ah na amewaraddi Ahl-ul-Bid'ah kwa maandiko ya Qur-aan na Sunnah.

Kisha akaweka "Mlango unaozungumzia juu ya kushikamana na Qur-aan na Sunnah". Humo amewaraddi Ahl-ul-Bid'ah na Ahl-ul-Ahwaa' kwa jumla na watu wa maoni ambao wamepiliza katika kipimo, *Qiyas*. Hali imefikia kiasi cha kwamba wengi wao wanapinga maandiko mengi ya Qur-aan na Sunnah kwa ajili ya kufuata vipimo. al-Bukhaariy akawaraddi kwa kuweka mlango huu "Mlango unaozungumzia juu ya kushikamana na Qur-aan na Sunnah" unaopatikana katika "as-Swahiyh" yake. Halafu akaashiria kuwa ana kitabu cha kipekee kinachozungumzia maudhui haya.

Halafu akaweka "Mlango kuhusu Tawhiyd". Humo ameweka Aayah za Majina na Sifa za Allaah na za 'Aqiydah akiwaraddi Jahmiyyah, Mu'tazilah na Khawaarij ambao wamepotea katika 'Aqiydah. Wao hawaandiki Hadiyth tu kwa

ajili ya kutaka zihifadhiwe. Wanaandika Hadiyth kwa lengo la kutaka zifahamike na kupata uelewa kwazo katika mlango wa I'tiqaad, halali na haramu, 'ibaadah, mu'amala na milango mingine.

Hali kadhalika Imaam Muslim aliweka "Mlango kuhusu imani". Ukisoma mlango huu utaona ni kana kwamba Imaam Muhammad bin 'Abdil-Wahhaab alichukua maandiko mengi kutoka humo. Mlango wake unaozungumzia imani ni Kitaab-ut-Tawhiyd. Humo utakuta Tawhiyd-ul-'Ibaadah na Tawhiyd-ul-Asmaa' was-Swiffaat. Inawezekana Imaam Muhammad bin 'Abdil-Wahhaab alipata sapoti nyingi kutoka kwenye kitabu hiki na "Kitaab-u-Tawhiyd" cha Imaam Ibn Mandah Muhammad bin Ishaaq. Ukisoma kitabu hiki utafikiri ni Imaam Muhammad bin 'Abdil-Wahhaab alinukuu kutoka kwenye kitabu hiki.

Muhammad bin 'Abdil-Wahhaab (Rahimahu Allaah) ni Mujaddid mkubwa. Hakuwa wa kwanza kutunga "Kitaab-ut-Tawhiyd". Bali Kitabu cha Allaah na Sunnah za Mtume Wake (Swalla Allaahu 'alayhi wa sallam) na wanachuoni wa Kiislamu walimtangulia kufanya hivo. Watu hawa walismama daima kidete kupambana na wapotevu, Bid'ah na upindaji katika kila zama. Watu hawa ni wenye kubeba bendera ya Sunnah na wakati huo huo wanawaponda wapotevu katika kila karne na ngazi. Allaah awawie radhi.

## 16. Wanachuoni kuhusu wenyewe kupinga kuwepo juu na kuzungumza kwa Allaah

Baada ya hapo al-Bukhaariy akaandika kitabu "Khalq af'aal-il-'Ibaad". Humo amewaraddi Jahmiyyah na wale wenyewe kusema kuwa Qur-aan imeumbwa. Amenukuu ukufurishwaji wao na yeye mwenyewe akawakufurisha. Amewakufurisha kwa kuwa wanapinga kuwa Allaah Yuko juu na kwamba amelingana juu ya 'Arshi Yake. Amenukuu maneno ya Salaf kutoka kwa Sa'iyd bin 'Aamir ambaye amesema:

"Sijaona waovu kama Jahmiyyah."<sup>11</sup>

Kwa sababu mayahudi, manaswara na dini nyingine zote wamekubaliana juu ya kwamba Allaah Yuko mbinguni na amelingana juu ya 'Arshi Yake. Jahmiyyah wao wanasema kuwa Allaah Yuko kila mahali.

Kwenye kitabu chake "Khalq af'aal-il-'Ibaad" amenukuu kutoka kwa Imaam Maalik ya kuwa aliulizwa kuhusu mwenyewe kusema ya kwamba Qur-aan imeumbwa ambapo akajibu kwa kusema:

"Ni kafiri. Anatakiwa kutubia la sivyo auawe."

Kadhalika aliulizwa 'Abdur-Rahmaan bin Mahdiy na wanachuoni wengine ambao al-Bukhaariy amewataja kwa majina yao ambao wamemkufurisha mwenyewe kusema kuwa Qur-aan imeumbwa.

Kuna wanachuoni wengine walionukuu hayo mbali na al-Bukhaariy kama mfano wa Imaam al-Baghawiy mwanzoni wa kitabu chake "Sharh-us-Sunnah". Kitabu hiki kinajulikana ambacho kina karibu zaidi ya kurasa 150 ambazo zote

---

<sup>11</sup> Yamesemwa na al-Bukhaariy katika "Khalq af'aal-il-'Ibaad", uk. 11 Athar nambari (13).

amezifanya kuwa ni utangulizi kwa ajili ya kuitumikia 'Aqiydah na mfumo wa Salaf na kuwaraddi Ahl-ul-Ahwaa', wapotevu na Ahl-ul-Bid'ah. Sambamba na hilo akanukuu madhehebu ya Ahl-us-Sunnah wenye kushikamana na Qur-aan na Sunnah na akawaraddi Ahl-ul-Bid'ah kwa maandiko ya Qur-aan na Sunnah.

## 17. Allaah na Mtume Wake (‘alayhis-Salaam) ndio wa kwanza kutahadharisha juu ya Ahl-ul-Bid’ah

Miongoni mwa mambo aliyonukuu al-Bukhaariy na wengine ni pamoja na Hadiyth ya ‘Aaishah (Radhiya Allaahu ‘anhaa) ambaye ameeleza: "**Mtume wa Allaah (Swalla Allaahu ‘alayhi wa sallam) alisoma Kauli ya Allaah (Tabaara wa Ta’ala):**

هُوَ الَّذِي أَنْزَلَ عَلَيْكَ الْكِتَابَ مِنْهُ آيَاتٌ حَكَمَاتٌ هُنَّ أُمُّ الْكِتَابِ وَأَخْرُ مُتَشَابِهَاتٍ فَمَنِ اتَّبَعَهُمْ فِي قُلُوبِهِمْ رَبِيعٌ فَيَسْتَعِنُونَ مَا شَابَةَ مِنْهُ ابْتِغَاءَ الْفِتْنَةِ وَابْتِغَاءَ تَأْوِيلِهِ وَمَا يَعْلَمُ تَأْوِيلُهُ إِلَّا اللَّهُ وَالرَّاسِحُونَ فِي الْعِلْمِ يَقُولُونَ آمَنَّا بِهِ كُلُّ مِنْ عِنْدِ رَبِّنَا وَمَا يَدْكُرُ إِلَّا أُولُو الْأَلْبَابِ

"Yeye Ndiye Aliyeteremsha kwako Kitabu humo mna *Aayaat Muhkam* [zilizo wazi maana yake] - hizo ndio msingi wa Kitabu - na nyinginezo ni *mutashaabih* [haziko wazi maana yake]. Basi wale ambao katika nyoyo zao mna upotovu hufuata zile zilizo *mutashaabih* kutafuta *fitnah* na kutafuta tafsiri zake [za kuwaridhisha nafsi zao]; na hakuna ajuae tafsiri zake isipokuwa Allaah. Na wenye msingi madhubuti katika elimu husema: "Tumeziamini, zote ni kutoka kwa Mola wetu." Na hawakumbuki ila wenye akili." (03:07)

Kisha akasema (*Swalla Allaahu ‘alayhi wa sallam*):

**"Ukiwaona wale wenye kufuata Aayah za Mutashaabih, basi ujue kuwa hao ndio wale ambao Allaah aliwataja. Hivyo tahadhari nao."**<sup>12</sup>

<sup>12</sup> "Khalq af'aal-il-'Ibaad" (30), al-Bukhaariy (4547), Muslim (2665) na Ahmad (06/124).

Mtu wa kwanza kutahadharisha Ahl-ul-Bid'ah ni Mtume wa Allaah (Swalla Allaahu 'alayhi wa sallam). Bali wa kwanza kutahadharisha Ahl-ul-Bid'ah ni Allaah (Tabaarak wa Ta'ala) na akabainisha malengo yao mabaya. Ahl-ul-Ahwaa' Salaf wamewaita kuwa ni Ahl-ul-Ahwaa' kwa kuwa wanafuata matamanio yao. Aayah ambayo Allaah amewalaumu kwayo:

فَأَمَّا الَّذِينَ فِي قُلُوبِهِمْ رَبِيعٌ فَيَتَبَعُونَ مَا تَشَاءُهُ مِنْهُ اِتْعَانَةً الْفُنْدَةَ

**"Basi wale ambao katika nyoyo zao mna upotovu hufuata zile zilizo mutashaabih kutafuta fitnah..."**

Tazama namna Allaah alivyobainisha malengo yao mabaya na kwamba wanafuata matamanio. Hufuata zile zilizo mutashaabih kutafuta fitnah na tafsiri zake [za kimakosa]. Wanachokusudia ni fitina. Mtume wa Allaah (Swalla Allaahu 'alayhi wa sallam) amesema:

**"Ukiwaona wale wenye kufuata Aayah za Mutashaabih, basi ujue kuwa hao ndio wale ambao Allaah aliwataja. Hivyo tahadhari nao."<sup>13</sup>**

Mtume wa Allaah (Swalla Allaahu 'alayhi wa sallam) ametahadharisha nao. Ninaapa kwa Allaah ya kwamba Mtume wa Allaah ametahadharisha nao katika Hadiyth hii na Hadiyth ya Jaabir ambaye amesimulia ya kwamba Mtume wa Allaah (Swalla Allaahu 'alayhi wa sallam) kila alipokuwa akitoa Khutbah anasema:

**"Amma ba'd: Hakika maneno ya kweli kabisa ni Maneno ya Allaah na uongofu bora kabisa ni uongofu wa Muhammad (Swalla Allaahu 'alayhi**

---

<sup>13</sup> "Khalq af'aal-il-'Ibaad" (30), al-Bukhaariy (4547), Muslim (2665) na Ahmad (06/124).

**wa sallam). Mambo maovu kabisa ni ya kuzua. Hakika kila kitakachozushwa ni Bid'ah na kila Bid'ah ni upotevu."<sup>14</sup>**

Alikuwa anasema hivi katika kila Khutbah. Mbele yake hapakuwa Ahl-ul-Bid'ah yoyote si Jahmiyyah, Mu'tazilah, Suufiyyah, Khawaarij wala Raafidhwah. Hakukuwepo yejote katika aina hizi. Lakini hata hivyo Allaah alimweleza kuwa mapote haya yatazuka na kuutabisha Ummah huu na kuwataabisha waislamu. Ndio maana Mtume (Swalla Allaahu 'alayhi wa sallam) akatahadharisha juu yao katika Hadiyth hii na katika Hadiyth iliyopokea 'Aaishah (Radhiya Allaahu 'anhaa) ambayo tumetoka kuwatajia nayo karibuni. Vilevile ametahadharisha juu ya Khawaarij.

---

<sup>14</sup> Muslim (867) na Ahmad (03/310).

## 18. Kiongozi wa Khawaarij akimfanyia uasi Mtume wa Allaah

Khawaarij walipotea katika Haakimiyyah. Kiongozi wao Dhul-Khuwayswirah kupingana kwake na Mtume wa Allaah (Swalla Allaahu 'alayhi wa sallam) ilikuwa ni katika mali. Ugomvi wake ulikuwa unahusiana na upande wa uchumi wa Kiislamu. Wakati Allaah alipomfungulia Mtume Wake (Swalla Allaahu 'alayhi wa sallam) Hunayn na wakayashinda majeshi ya kikafiri waislamu walipata mateka mengi ambapo Mtume wa Allaah (Swalla Allaahu 'alayhi wa sallam) akawagawia wale wenye hali mbaya zaidi ikiwa ni pamoja na Abu Sufyaan, Aqraa' bin Haabis na wengineo. Dhul-Khuwayswirah akamwambia Mtume (Swalla Allaahu 'alayhi wa sallam) kuwa mgawanyo huu haukufanywa kwa ajili ya Allaah. Mtu huyu anamtuhumu Mtume wa Allaah (Swalla Allaahu 'alayhi wa sallam)! Huyu ndiye kiongozi wa Khawaarij. 'Abdullaah bin Mas'uud (Radhiya Allaahu 'anh) akaja na kumweleza hayo Mtume wa Allaah (Swalla Allaahu 'alayhi wa sallam) ambapo 'Umar akasema kumwambia Mtume wa Allaah: "Niruhusu nimuue". Vivyo hivyo akasema Khaalid [bin Waliyd]. Mtume (Swalla Allaahu 'alayhi wa sallam) akasema:

**"Mwacheni. Hakika mtu huyu ana watu ambao mtazidharau swalah zenu mkizilinganisha na za kwenu na kisomo chao mkilinganisha na cha kwenu. Watu hawa wanatoka katika dini kama jinsi mshale unavotoka kwenye upinde wake."<sup>15</sup>**

Watu hawa walikuwa ni wafanya 'ibaadah kwa wingi na wenye kuipa nyongo dunia. Wanasona Qur-aan, wanasonama usiku na mchana wanashinda mchana mzima hali ya kuwa wamefunga. Ukiongezea juu ya hilo walikuwa na 'Aqiyyah sahihi. Hawakuwa wanakanusha Sifa za Allaah kama wanavofanya Jahmiyyah

---

<sup>15</sup> al-Bukhaariy (3610) na Muslim (1064).

na wala hawakuwa wanaabudu makaburi. Bali walikuwa ni watu wana Tawhiyd. Pamoja na hivyo walipotea katika kipengele kimoja cha Uislamu ambacho ni kipengele cha Haakimiyyah. Walikuwa wakisema "Hakuna hukumu isipokuwa ya Allaah", "Hakuna hukumu isipokuwa ya Allaah". 'Aliy bin Abiy Twaalib (Radhiya Allaahu 'anh) akasema:

**"Maneno ya haki yenye makusudio ya batili."<sup>16</sup>**

---

<sup>16</sup> Muslim (1066).

## **19. Ahl-ul-Bid'ah wengi wa leo ni wapotevu zaidi kuliko Khawaarij wa kale**

Leo Ahl-ul-Ahwaa' wameshikilia yale yale aliyoshikilia Dhul-Khuwayswirah kipengele cha uchumi wa Kiislamu na kipengele cha Haakimiyyah. Hawajui yote mawili na si wa kweli katika yote mawili. Mtume (Swalla Allaahu 'alayhi wa sallam) amesema juu yao:

**"Waueni pahali popote mtapokutana nao."**

**"Muuliwaji bora ni yule waliyemuua."<sup>17</sup>**

Ameahidi kuwa wale wenye kuuawa na wao wana malipo makubwa mbele ya Allaah (Tabaarak wa Ta'ala).

Ninaapa kwa Allaah ya kwamba hawa shari yao ni ndogo kabisa ukilinganisha na wengi katika watu wa Bid'ah wa leo tukianzia kwa Tijaaniyyah, Marghaniyyah, Naqshbandiyyah na Sahrwardiyyah. Ninaapa kwa Allaah ya kwamba Khawaarij ambao 'Aliy aliwapiga vita ni waongofu zaidi kuliko watu hawa. Watu hawa wanafanya shirki katika 'ibaadah. Wanaamini kuwa mawalii wanajua mambo ya ghaibu, wanaendesa ulimwengu, wanawaomba uokozi, wanatufu kwenye makaburi yao na wanasema juu yao vituko na vitakuro ambavyo havisemi ye yote isipokuwa makhurafi. Isitoshe ukiwaauliza Allaah Yuko wapi? Jibu kwao utawasikia wanasema Allaah Yuko kila mahali au hayuko juu wala chini n.k., maana ya Mkono wa Allaah ni uwezo wa Allaah na upotevu mwingineo. Wanashirikisha katika Sifa, utenda kazi wa Allaah na 'ibaadah. Khawaarij hawakuwa na aina zote hizi za shirki. Pamoja na yote haya Mtume (Swalla Allaahu 'alayhi wa sallam) alisema juu yao:

---

<sup>17</sup> at-Tirmidhiy (3000) ambaye amesema kuwa Hadiyth ni Hasan na Ibn Maajah (176).

**"Viumbe waovu kabisa walioko chini ya mbingu."**

**"Viumbe waovu kabisa."<sup>18</sup>**

**"Popote mtapokutana nao waueni."<sup>19</sup>**

---

<sup>18</sup> Muslim (1067).

<sup>19</sup> al-Bukhaariy (3211) na Muslim (1066).

## 20. Mwenye kuwasifu na kuwatetea Ahl-ul-Bid'ah sio katika Firqat-un-Naajiyah

Leo kuna mwenye kuwakumbatia Ahl-ul-Bid'ah hawa, anawapenda, anawatetea, anatetea Bid'ah zao, wanawatukana Maswahabah, wanawatukana Mitume, wanasema Wahdat-ul-Wujuud, ujamaa [socialism] na kadhalika. Wana majanga mengi kabisa. Pamoja na hivyo watu hawa wamesimama upande wao na wanawaita kuwa ni "Mujaddidiyn". Wana Bid'ah zenyе kujaа makapu ukilinganisha na Bid'ah za Khawaarij. Sisi tuko wapi na kundi hili lililookoka, *Firqat-un-Naajiyah?*

Ninawaulizeni kwa Jina la Allaah: yule aliyesimama upande wa Raafidhwah ambaо wanawatukana Maswahabah wa Mtume wa Allaah (Swalla Allaahu 'alayhi wa sallam) na Suufiyyah kwa upotevu wao mbali mbali na kuwatetea na wakati huo huo anawapiga vita Ahl-us-Sunnah. Je, huyu si katika wao? Amesimama upande wa Ahl-ul-Bid'ah na vitabu vyao ambavyo vimejaa upotevu wa kikafiri. Pamoja na hivyo amesimama upande wao na kuwatetea. Ukiungezea juu ya hilo anapambana kweli kweli na yule mwenye kuwazungumzia watu hawa wa Bid'ah na juu ya vitabu hivyo ilihali anafanya hivyo kwa ajili ya kutoa nasaha kwa ajili ya Allaah. Ni kundi ambalo linatoa nasaha kwa ajili ya Allaah, linatahadharisha shari hii na kutahadharisha Bid'ah hii kwa kumuiga Mtume wa Allaah (Swalla Allaahu 'alayhi wa sallam) na Salaf-us-Swaalih. Kisha kunakuja watu hawa na kuwatupia tuhuma na kuwapiga vita na wakati huo huo wanasema na wao kuwa ni Ahl-us-Sunnah, wenye kumnusuru Allaah, wanasema kuwa Sayyid Qutwub ni Mujaddid, [Hasan] al-Bannaа ni Mujaddid na al-Mawduudiy ni Mujaddid ilihali watu hawa ni Ahl-ul-Bid'ah wadh-Dhwalaal. Ninaapa kwa Allaah ya kwamba Khawaarij hawakufikia Bid'ah na upotevu waliofikia watu hawa. Hivi hapa vitabu vyao tunapawa changamoto. Wale Khawaarij ambaо 'Aliy aliwapiga vita, hata Khawaarij wanaopatikana hii

leo hawana Bid'ah kama za Sayyid Qutwub. Lau utahesabu Bid'ah za Khawaarij wa leo hutopata kitu ukilinganisha na Bid'ah zinazopatikana kwa Sayyid Qutwub. Sayyid Qutwub amekusanya Bid'ah kwa sampuli zake zote katika vitabu vyake. Sayyid Qutwub anajionyesha kuwa ana hamasa juu ya Uislamu ilihali anaufanyia Takfiyr Ummah kuanzia Maswahabah mpaka hii leo. Khawaarij hawakufanya haya. Pamoja na yote haya bado tunasema kuwa ni "Mujaddid" na "Imaam" na ukiongezea juu ya hayo tunamtetea na kutetea vitabu vyake. Je, watu hawa kweli wanahesabika katika Sunnah na ni Twaafat-un-Mansurah? Hapana. Ni juu yao kutubu kwa Allaah na wafuate mfumo wa Salaf juu ya kushika msimamo sahihi dhidi ya Ahl-ul-Bid'ah wadh-Dhwalaal.

## 21. Fitina kubwa leo ulimwenguni ni ya Sayyid Qutwub

Mimi hii leo sijui fitina ilio kubwa katika ardhi kwa waislamu kama fitina ya mfumo wa Sayyid Qutwub na vitabu vyake. Hii ndio fitina ya khatari kabisa. Fitina hii imewakumba Salafiyyuun. Ikiwa upotevu wa Ahl-ul-Bid'ah umekomeka kwa Ahl-ul-Bid'ah wadh-Dhwalaal wenyewe, basi itambulike kuwa upotevu wa Sayyid Qutwub umevamia masomo ya mji huu. Upotevu wake umevamia masomo ya Tawhiyd na Sunnah, kuyatikisa na kupiga vita I'tiqaad na fikira za watoto wengi wa mji huu. Ukongezea juu ya hilo upotevu wake umeangamiza msingi wa kupenda na kuchukia kwa ajili ya Allaah na haki. Badala yake umewafanya kuinusuru Bid'ah na upotevu. Hili ni jambo ambalo lipo na lenye kuhisiwa. Ni nani mwenye kupinga hili? Hakuna mwenye kupinga hili isipokuwa mtu ambaye hayuko sawa katika akili na tabia yake. Hili ni jambo liliyopo na lenye kuhisiwa. Ni nani mwenye kumtetea Sayyid Qutwub? Lipi kubwa alilofanya?

Nilisoma kitabu cha az-Zamakhshariy ambaye alikuwa ni Mu'taziliy aliyepindukia na nikasoma kitabu "adh-Dhwilaal" cha Sayyid Qutwub na nikaja kukuta kuwa Bid'ah zilizomo kwenye kitabu cha az-Zamakhshariy ni khafifu ukilinganisha na Bid'ah za Sayyid Qutwub. Kitabu cha az-Zamakhshariy huyu ambaye alikuwa ni Mu'taziliy, watu wa Bid'ah wenyе kujinasibisha na Sunnah walikiunguza. Hii leo vijana wa Sunnah wenyе kujinasibisha na mfumo wa Salaf wanachapishiwa "adh-Dhwilaal" zaidi ya chapa kumi na nane na wanakieneza mashariki na magharibi. Ni mikusanyiko mingapi ya Salafiyyuun ambayo imeharibika kwa sababu ya vitabu hivi "al-Ma'aalim", "al-'Adaalah al-Ijtimaa'iyyah", "adh-Dhwilaal" na vinginevyo. Humo mna zaidi ya Bid'ah sabini kubwa kubwa kuanzia Bid'ah ya Wahdat-ul-Wujuud mpaka kufikia Bid'ah ya Khawaarij. Licha ya yote hayo kisha mtu huyu anatukuzwa na vitabu vyake vinatukuzwa. 'Aqiydah iko wapi? Mfumo wa Salaf uko wapi? Uko wapi mfumo

wa Twaaifat-un-Naajiyah al-Mansurah? Iko wapi Kauli ya Allaah (Tabaarak wa Ta'ala):

يَا أَيُّهَا الَّذِينَ آمَنُوا كُوْنُوا فَوَّامِينَ بِالْقِسْطِ شُهَدَاءَ لِلَّهِ وَلَا عَلَى أَنفُسِكُمْ أَوْ الْوَالِدَيْنِ وَالْأَقْرَبِينَ

**"Enyi mlioamini! Kuweni wenyewe kusimamisha uadilifu mtoapo ushahidi kwa ajili ya Allaah japokuwa ni dhidi ya nafsi zenu au wazazi wawili au jamaa wa karibu."? (04:135)**

Hii leo wanatoa ushahidi wa batili na wa uongo juu ya vitabu vya Sayyid Qutwub ya kwamba ni vyenye faida na ni vyenye kunufaisha. Upande mwingine wanasema kuwa vitabu vya fulani ambaye vinamraddi na kubainisha upotevu wake na ukhurafi wake ni vitabu vya batili ambavyo ni wajibu kuviunguza na kuviteketeza na kuwapiga vita wenyewe navyo!

Ndugu! Mwenye kufanya hivi anakuwa ni katika Ahl-us-Sunnah? Ni wajibu kwetu kuhukumu kwa Shari'ah ya Allaah (Tabaarak wa Ta'ala). Miongoni mwenu leo kuna ma-Qaadhiy na mna uzowefu wa kuyahukumu mambo madogo na makubwa. Ni kipi kinachokuzuieni kusema haki? Ikiwa ambaye alimraddi Sayyid Qutwub ni mpotevu bainisheni hilo kwa hoja na dalili kuonesha kuwa ni mpotevu na Sayyid Qutwub ndiye anayefuata mfumo wa Ahmad bin Hanbal na mfumo wa Abu Bakr as-Swiddiyq (Radhiya Allaahu 'anh) katika 'Aqiydah na 'ibaadah. Kukiwepo dalili tutajisalimisha kwake!

Upande mwingine ikibainika kuwa Sayyid Qutwub yuko katika mfumo wa Ibn 'Arabiyy katika kuhakikisha Wahdat-ul-Wujuud, katika mfumo wa Jahm bin Swafwaan katika kukanusha Sifa na kusema kuwa Qur-aan imeumbwa, katika mfumo kauli ya Maarkis kwenye ujamaa na katika mfumo wa umasoni juu ya uhuru wa dini. Mtu huyu analingania katika uhuru wa dini na anasema kuwa Uislamu umekuja na uhuru wa dini na kumpatiliza yule mwenye kufanya ushabiki wa dini na anasema kuwa 'ibaadah za dini sio kazi ya maisha. Mtu

huyu anasema fikira za kiuyakinifu, ukomunisti na za kiumasoni ambapo akawaletea nayo vijana wetu na kuwaonesha kuwa ndio Uislamu. Baada ya yote haya anakuja mtu na kusema kuwa ninatukana.

## **22. Haijuzu kuwanyamazia Ahl-ul-Bid'ah kwa hali yoyote ile**

Ndugu! Mimi situkani. Ameshayaenda yale aliyoyatanguliza lakini hata hivyo haya yanapatikana katika vitabu vyake. Je, inajuzu kwa muislamu ambaye anaheshimu Uislamu na anaiheshimu haki aone upotevu huu mkubwa na wa khatari kisha aunyamazie kwa kuogopa, kupakana mafuta, unafiki au kufanya Taqiyyah?

Ninaapa kwa Allaah ya kwamba hatuwezi kunyamaza hata kama tutauawa na kunyanganywa mali zetu. Yote haya ni kuukomboa Uislamu. Ninaapa kwa Mola wa mbingu na ardhi! Tutasema neno la haki. Ninaapa kwa Allaah, Mola wa mbingu! Tutasema neno la haki hata kama watachukia wenye kuchukia.

Ninaapa kwa Allaah, Mola wa mbingu na ardhi ya kwamba sijaona vitabu vya Bid'ah kama vitabu vya Sayyid Qutwub. Hakika vitabu vyake vimekusanya Bid'ah kwa sampuli zake zote. Hakuacha msingi wowote wa Bid'ah katika misingi ya Bid'ah isipokuwa ameuhuisha.

## 23. Hakuna udhuru baada ya kuwa haki imeshabainika

Enyi waislamu! Mcheni Allaah juu ya nafsi zenu wenyewe na kwa watoto wenu. Ninaapa kwa Allaah ya kwamba ikiwa wengine watapewa udhuru basi nyinyi hamtopewa udhuru kwa hali yoyote kwa sababu haki iko mbele yenu na mnaisoma katika shule za msingi, sekondari, vyuo vikuu, shahada ya pili na ya tatu. Vitabu vya Ibn Taymiyyah, Ibn-ul-Qayyim, Ahmad bin Hanbal na al-Bukhaariy mko navyo. Uko wapi udhuru wenu? Isitoshe vitabu hivyo mnavifahamu.

Enyi mahakimu wa Kiislamu! Semeni neno la haki. Enyi wanafunzi! Mnusuruni Allaah na Yeye atakunusuruni. Msiwanusuru watu wa upotevu na wala msiwanusuru Ahl-ul-Bid'ah. Fuateni mfumo wa Imaam Ahmad ambaye hakunyamazia suala hata moja. Imaam Ahmad alikuwa yuko tayari kujitolea heshima na damu yake. Ahl-us-Sunnah walipingana naye na damu ikamwagwa kwa sababu ya suala moja miiongoni mwa masuala ambayo Sayyid Qutwub pia yuko nayo. Ahmad alikuwa tayari kujitolea nafsi yake kufa.

Ahl-us-Sunnah walijitolea nafsi zao wakaziweka khatarini kwa ajili ya msemo wa kusema kuwa Qur-aan imeumbwa. Ninaapa kwa Allaah ya kwamba Sayyid Qutwub pia anasema msemo huu. Kadhalika amesema Wahdat-ul-Wujuud, akaisapoti na kuisifu katika mashairi na nathari yake. Hakuna anayepinga haya isipokuwa mtu ambaye hamwogopi Allaah (Tabarak wa Ta'ala) na hamchi Allaah juu ya waislamu. Alisema ujamaa na Haakimiyyah. Alisema nini kuhusu Haakimiyyah? Alisema ni lazima Uislamu uhukumu. Kwa nini? Kwa sababu Uislamu ni 'Aqiydah moja yenyе kukubaliwa ambayo ndani yake mna mchanganyiko wa ujamaa [socialism] na umasoni kikamilifu na ndani yake kunapatikana malengo yote hayo mawili. Ukiungezea juu ya hayo mawili kwenye Uislamu kuna msimamo na usamehevu! Alisema namna hii ya kwamba Uislamu unakubaliana na ukomunisti na unaswara kwa uchanganyifu mkamilifu

ambapo ndani yake mnapatikana malengo yote hayo mawili, bi maana malengo ya ukomunisti na unaswara. Kwa mujibu wake yeye anaonelea kuwa Muhammad alitumwa kuhakikisha ukomunisti na unaswara! Mustashirik waliosema kuwa Muhammad ameichukua Qur-aan kutoka kwenye Tawrat na Injyl hawakufikia kusema upotevu kama huu. Anataka kusema kuwa Uislamu umechukua kutoka kwenye ukomunisti na unaswara. Au uhakika wa mambo Uislamu umepiga vita ukomunisti na unaswara. Huku ni kuuhujumu Uislamu namna gani.

Enyi ndugu! Mambo haya ni makubwa na si mchezo. Jambo la 'Aqiydah ni la haki na ni mapambano baina ya haki na batili. Batili imeuhujumu mji huu kwa kutumia vazi la Uislamu na kwa kutumia kila mbinu mpaka hatimae ikaweza kuwaangamiza vijana wetu. Leo vijana wetu wako nyuma ya vitabu vya Sayyid Qutwub ambaye hizi ni baadhi tu ya sifa zake. Yaani kwa vile aliuawa [kwa dhuluma]... al-Hallaaj pia aliuawa. Raafidwah waliuawa. Kuna uwezekano pia maelfu kama sio mamilioni ya watu waliuawa katika vita vya Saddaam [al-Husayn]. Raafidhwah wanaauawa kwa ajili ya dini yao. Je, tuseme pia hawa wako katika haki? Kila mwenye kuuawa ilihali yuko katika batili ndio tuifanya batili kuwa haki ilihali anaonelea kuwa Wahdat-ul-Wujuud, ukhurafi na Bid'ah ndio Uislamu na tumwite kuwa ni shahidi wa Kiislamu! Isitoshe tuufanyie vitimbi Uislamu na kuupotosha kwa ajili ya mtu huyu! Mtu huyu jambo lake anaachiwa Allaah sisi halituhusu. Lakini sisi linalotuhusu ni vitabu vyake ambavyo hii leo vinawapoteza watoto wetu.

## **24. Uwajibu wa kuvipigia marufuku vitabu vyta Sayyid Qutwub na Ahl-ul-Bid'ah wote kwa jumla**

Vitabu vyake vinasambaa na vinaeneza al-Ikhwaan al-Muslimuun na Muhammad Qutwub katika nchi hii kuanzia miaka thelathini arubaini iliyopita. Vitabu hivyo ndani yake kuna kuwatukana Maswahabah, kuwakufurisha Banuu Umayyah na Ummah, kuipotosha dini na Tawhiyd. Pamoja na yote haya watu hawa wanavieneza. Kwa nini wanaeneza batili hii? Ni kwa nini batili hii ikubaliwe katika nchi ya Tawhiyd? Lau vitabu hivi vingelikuwa vinaenezwa katika nchi ya ukhurafi tungeliweza kusema kuwa ni nchi ya makhurafi. Lakini masikitiko ni kuona vitabu hivi vinaenezwa katika nchi wanayosema kuwa wao ni Salafiyuun na wapwekeshaji.

Nchi imepiga marufuku vitabu vingi [vyta Sayyid Qutwub na Ahl-ul-Bid'ah]. Vitabu vyta Suufiyyah vimepigiwa marufuku. Mimi mwenyewe nimejaribu katika maisha yangu yote ninapotaka kununua vitabu vyta Suufiyyah katika maktabah zilizopo Saudi Arabia sivipati katika maktabah hata moja. Isipokuwa ikiwa wanaauza kwa siri. Kwa sababu vitabu vyta Suufiyyah vimepigiwa marufuku. Na hii ni miongoni mwa sifa ya kipekee ya nchi hii kutokana na athari ya mfumo huu sahihi. Nilivipata wakati niliposafiri kwenda Sudan ndipo nikatumia fursa ya kununua vitabu vingi kuhusu kila kundi. Niliporudi nikalinganisha kati yavyo, vitabu vyta Shaadhiliyyah, Tijaaniyyah, Marghaniyyah na Burhaamiyyah na kuona kuwa vyote vinashirikiana katika kulingania katika Wahdat-ul-Wujuud, kumshirikisha Allaah na kwamba mawalii wanajua mambo ya ghaibu na kuwa wanaendesha ulimwenguni. Mmoja wao, ambaye ni Shaykh wa ki-Marghaniy, anasema mashairi ambapo anataka kusema kuwa yeye hapo enzi ndiye alikuwa Allaah na kwamba 'Arshi na ulimwengu vyote kwenye mikono yake ni kama mfano wa mdudu mchungu. Ana madai mengine ya uongo ambapo anajidai kuwa na sifa ya uungu. Upotevu kama huu watoto wetu wanaukaripia. Lakini upotevu wenye

kuwaingilia na wamedanganyika nao ni wa vitabu hivi ambavyo ni wenyewe kujidhihirisha kuwa vina hamasa ya Uislamu na kuikufurisha jamii kwa ajili ya Uislamu na kuwakufurisha viongozi kwa ajili ya Uislamu. Vitabu hivi vina mambo ya kufuru ambazo haziwezi kulinganishwa na upotevu walio nao viongozi. Huwezi kulinganisha hata kidogo kati ya kufuru zinazopatikana katika vitabu hivi na viongozi hawa ambao wanahukumu kwa kutumia sheria za binaadamu.

## 25. 'Awwaam pia wanaingia katika Ahl-ul-Hadiyth

Nimekuashirieni hapo mwanzoni ya kwamba wanachuoni wengi wamesema kuwa Hadiyth juu ya kundi lililookoka, *Firqat-un-Naajiyah* na pote lililonusuriwa, *Twaaifat-un-Mansuurah* zinahusu Ahl-ul-Hadiyth. Kuko waliofuata mfumo wao. Humo pia kunaingia hata watu wa kawaida wasiokuwa wasomi midhali wanaitakidi yale wanayoitakidi na kufuata mfumo wanaofuata, basi wao pia ni katika wao. Hata hivyo Ahl-ul-Bid'ah na wafuasi wao hawaingii katika Firqat-un-Naajiyah.

Nimekusanya katika kitabu changu majina [ya wanachuoni] ambao wamesema kuwa Hadiyth juu ya Firqat-un-Naajiyah na Twaaifat-un-Mansuurah ya kwamba ni Ahl-ul-Hadiyth na Ahl-us-Sunnah wal-Jamaa'ah. Nimekusanya maoni ya wanachuoni arubaini na tano na sikuona yeoye aliyeenda kinyume. Nimeweka kundi kutoka katika kila karne. Miongoni mwa wanachuoni hao ni pamoja na Ibn-ul-Mubaarak, Imaam Ahmad bin Hanbal, al-Bukhaariy, 'Aliy bin al-Madiyniy, Ibn Hibbaan, al-Haakim, al-Khatwiyb al-Baghdaadiy, 'Abdul-Ghaniy al-Maqdisiy, Ibn Taymiyyah, Ibn-ul-Qayyim, adh-Dhahabiy, Haafidhw bin Hajar na wengine wengi. Kisha wanachuoni wanaolingania katika dini ya Allaah; Imaam Muhammad bin 'Abdil-Wahhaab, mtoto wake 'Abdullaah, Abu Batwibin, Ibn 'Atiyyq na Shaykh 'Abdur-Rahmaan as-Sa'diy (Rahimahumu Allaah). Wa mwisho wao ni Shaykh Ibn Baaz na Shaykh Muhammad bin 'Uthaymiyn (Hafidhwahumu Allaah). Ameyasema haya kwa haki na kutokana na uadilifu wao. Hata hivyo usitoe ushuhuda kwa jitu la Bid'ah kwamba ni mtu wa Sunnah.

## 26. Sifa za Ahl-ul-Hadiyth

Baada ya haya itambulike kuwa Ahl-ul-Hadiyth wana sifa zao. al-Khatwiyb ameandika kitabu alichokipa jina la "Sharaf Aswhaab-il-Hadiyth". Ni kitabu ambacho wanafunzi wanakijua. Ametaja sifa zao zinazokaribia kufika thelathini. Nitanukuu humo zifuatazo:

Ya kwanza: Inawagusa Hadiyth ifuatayo:

**"Allaah amrehemu mtu ambaye amesikia maneno yangu akayadhibiti na kuyafikisha kama alivyoyasikia."<sup>20</sup>**

"Maneno yangu" kunakusudiwa Hadiyth. Mwenye kuyadhibiti na akayahifadhi na akawafikishia nayo watu. Wenye kufanya hivo ni Ahl-ul-Hadiyth.

Ya pili: Wasia wa Mtume (Swalla Allaahu 'alayhi wa sallam) juu ya kuheshimu Hadiyth. Ametoa Hadiyth juu ya hilo kama dalili.

Ya tatu: Maneno ya Mtume (Swalla Allaahu 'alayhi wa sallam) pale aliposema:

**"Ataibeba elimu hii kila ambaye atakuja nyuma mwadilifu..."**

Ya nne: Ahl-ul-Hadiyth ni makhalfa wa Mtume (Swalla Allaahu 'alayhi wa sallam) katika kufikisha kutoka kwake. Hili halina shaka na wao ndio Twaaifat-ul-Mansuurah. Ahl-ul-Hadiyth wao ndio wanastahiki jina hili kwa kuwa wanafikisha kwa amana ambayo ni amana ya Mtume wa Allaah (Swalla Allaahu 'alayhi wa sallam) kutoka katika Qur-aan na Sunnah. Mtume (Swalla Allaahu 'alayhi wa sallam) amewasifu Ahl-ul-Hadiyth katika Hadiyth kuwa wana imani pale aliposema:

---

<sup>20</sup> Ahmad (01/436), at-Tirmidhiy (2657), Ibn Maajah (66), (68) na (69).

"Ni kiumbe kipi chenye imani ya ajabu?" Wakasema: "Malaika." Akasema: "Hilo halistaajabishi kwa kuwa wao wako kwa Allaah (Tabaarak wa Ta'ala). Maswahabah wa Mtume wa Allaah (Swalla Allaahu 'alayhi wa sallam) wanaeleza ya kwamba akasema: "Haikustaajabisheni mimi kuwa mbele yenu!" Kisha akasema: "Kuna watu wataokuja na kukuta Hadiyth ziko katika vitabu ambapo **wataziamini...**"

Ya tano: Ahl-ul-Hadiyth ndio watu walio karibu zaidi na Mtume (Swalla Allaahu 'alayhi wa sallam) kwa sababu ya kudumu kwao kumswalia (Swalla Allaahu 'alayhi wa sallam). Imekuja katika Hadiyth inayosema:

**"Watu wataokuwa karibu zaidi na mimi siku ya Qiyaamah ni wale wenye kuniswalia sana."<sup>21</sup>**

Ya sita: Mtume (Swalla Allaahu 'alayhi wa sallam) kuwabashiria Maswahabah zake kuzitafiti Hadiyth baada yake na kuunganisha mlolongo wa wapokezi kati yao na kati ya Mtume (Swalla Allaahu 'alayhi wa sallam).

Ya nane: Ubainifu ya kuwa mlolongo wa wapokezi ndio njia ya kuweza kutambua hukumu za Shari'ah. Sifa hii wako nayo Ahl-ul-Hadiyth. Kwa kuwa wao ndio wenye kazi hii ya kunukuu mlolongo wa wapokezi na kuangalia udhibiti wa wapokezi na kadhalika.

Ya tisa: Ahl-ul-Hadiyth ni wadhamini wa Mtume (Swalla Allaahu 'alayhi wa sallam) kuzilinda Sunnah na kuzibainisha. Hii ni sifa yao.

Ya kumi: Ahl-ul-Hadiyth ni wenye kuihami dini kwa kuzitetea Sunnah. Ahl-ul-Hadiyth wanazitetea Sunnah na Tawhiyd na 'Aqiydah ya Kiislamu sahihi katika

---

<sup>21</sup> al-Khatwiyb, uk. 59 nambari (59), at-Tirmidhiy (484) ambaye amesema kuwa Hadiyth ni Hasan Ghariyb.

mji huu na mingine. Hili ni tokea hapo zamani mpaka hii leo. Wao wako juu ya mfumo huu mpaka siku ya Qiyaamah. Wao ndio wanaiteeta 'Aqiydah hii ambayo ndani yake mna Aayah za Qur-aan na Hadiyth za Mtume (Swalla Allaahu 'alayhi wa sallam).

Wasiokuwa wao mionganoni mwa mapote potevu wao ndio wenye kuyahujumu maandiko haya, kuyawekea Ta'wiyl na kuyapotosha.

Ya kumi na moja: Ahl-ul-Hadiyth ndio warithi wa Mtume (Swalla Allaahu 'alayhi wa sallam) kutokana na Sunnah na aina mbali mbali za hekima alizowarithisha.

Ya kumi na mbili: Ahl-ul-Hadiyth ni wenye kuamrisha mema na kukataza maovu kwa mujibu wa Shari'ah ya Kiislamu. Hawafanyi hivo kwa kufuata mfumo wa Khawaarij, Raafidhwah wala Mu'tazilah. Mapote haya yana mfumo wao katika kuondosha maovu. Upande mwingine Ahl-ul-Hadiyth wana mfumo wao katika kuondosha maovu kwa muqtadhwaa wa Shari'ah na kwa mujibu wa Shari'ah. Mtume (Swalla Allaahu 'alayhi wa sallam) amesema:

**"Yeyote mwenye kuona maovu katika nyinyi ayaondoshe kwa mkono wake, asipoteza ayaondoshe kwa kuzungumza, asipoweza ayaondoshe kwa moyo wake - na hiyo ni imani dhaifu kabisa."**<sup>22</sup>

- Mwenye kusema kuwa Ahl-ul-Hadiyth ndio mawalii na wabadilishaji. Kuna kundi la wanachuoni waliosema hivi na hivyo ndivyo. Mmoja katika waliosema hivo ni Ahmad bin Hanbal (Rahimahu Allaah).
- Mwenye kusema kuwa lau bila ya Ahl-ul-Hadiyth basi Uislamu ungelibomoka. Hili ni kweli. Kwa sababu wao ndio wenye kuihami Qur'aan na Sunnah na kuihami kwao ni kwa haki na ukweli.

---

<sup>22</sup> Muslim (49), Ahmad 03/49 (11480) na 03/54 (11534).

- Wema wa dunia na Aakhirah umekusanyika kwa kusikiliza Hadiyth na kuziandika na kuthibiti hoja ya Ahl-ul-Hadiyth. Hili ni tofauti na hoja ya wasiokuwa Ahl-ul-Hadiyth. Hoja zao ni batili hata kama atajikakama.
- Dalili ya Ahl-us-Sunnah juu ya kupenda Sunnah na kuwapenda watu wake. Ukimuona mtu anapenda Hadiyth na anawapenda Ahl-ul-Hadiyth, basi huyu anakuwa ni katika Ahl-us-Sunnah - Allaah akitaka.

Dalili ya Ahl-ul-Bid'ah juu ya kuchukia Hadiyth na kuwachukia Ahl-ul-Hadiyth. Haya yamesemwa na wengi katika Salaf. Hutompata yeote anayewachukia Ahl-ul-Hadiyth isipokuwa utakuta anazichukia Sunnah za Mtume (Swalla Allaahu 'alayhi wa sallam). Hili hufanywa na mtu wa Bid'ah tu.

- Ambaye amekusanya kati ya kuwasifu Ahl-ul-Hadiyth na kuwakemea watu wa maoni. Hii ni alama pia.
- Mwenye kusema kutafiti Hadiyth ni katika 'ibaadah bora. Hili ni kweli.
- Mwenye kusema [kusoma] upokezi wa Hadiyth ni bora kuliko kusema "Subhaan Allaah." Hii ni kazi inayofanywa na Ahl-ul-Hadiyth.
- Mwenye kusema kutafiti Hadiyth ni bora kuliko swalah ya Sunnah.
- Mwenye kutamani kupokea Hadiyth kutoka kwa wasomi na kuonelea kuwa Muhammadiun ndio wanachuoni bora kabisa. Alisema hivi katika kuwasifu.

## 27. Radd kwa Ahl-ul-Bid'ah wenyewe kuwaponda Ahl-ul-Hadiyth

Ama kuhusiana Radd juu ya mwenye kuwaponda. Wapo wengi kabisa waliowaraddi wenyewe kuwaponda Ahl-ul-Hadiyth na kubainisha kuwa wako katika upotevu na ni katika watu wa fitina na katika Ahl-ul-Bid'ah. Imaam Abu Muhammad al-Hasan bin 'Abdir-Rahmaan ar-Raamehurmuziy amesema katika kitabu chake "al-Muhaddith al-Faaswil". Huyu anajulikana na Ahl-ul-Hadiyth. Mwanzoni mwa kitabu hiki amesema yafuatayo:

"Pote miongoni mwa wale wenyewe kuunda Hadiyth wakapingana na Ahl-ul-Hadiyth na wakasema kwa kuwaponda Ahl-ul-Hadiyth. Wakapiliza katika kuwalaumu na kuwaenezea uvumi kama inavyokuwa katika kila zama na mahala. Allaah ameitukuzza Hadiyth na kuwafadhilisha watu wake na akaiweka juu manzilah yake na akaihukumu kuwa juu ya kila kundi. Isitoshe akaitanguliza juu ya kila elimu na kunyanya utajo wa mwenye kuibeba na kujishughulisha nayo [elimu hii]. Wao ndio kiini cha dini na mwanga wa hoja. Ni vipi fadhila zisiwajibikie na wasistahiki rutuba iliyio juu ilihali wao ndio ambao wame wahifadhia Ummah dini yao na wakaeleza khabari kutoka katika Uteremsho na wakathibitisha [maandiko] yenye kufuta na yenye kufutwa, yaliyo wazi kabisa na ambayo hayako wazi na yale ambayo Allaah (Subhaanahu wa Ta'ala) amemtukuzza Mtume (Swalla Allaahu 'alayhi wa sallam) kwayo. Hivyo wakawa ni wenyewe kuihifadhi Shari'ah Yake, wakaandika ushahidi wake, wakatunga alama na dalili zake..."

bi maana ya alama za kiutume, sifa na mengineyo. Anawasifu Ahl-ul-Hadiyth kwa sifa hizi na kwamba wao ndio ambao Aayah ifuatayo inawagusa:

وَالَّذِينَ اتَّبَعُوهُمْ بِإِحْسَانٍ

### "... na wale waliowafuata kwa wema..." (09:100)

Imaam Ibn-ul-Qayyim (Rahimahu Allaah) amesema katika kitabu chake "an-Nuuniyyah" akimraddi yule mwenye kuwachukia Ahl-ul-Hadiyth. Mimi ninawanasihii vijana kusoma kitabu hichi kwa kukielewa na kutambua makusudio ya Imaam huyu na Jihaad yake kubwa kwa kuinusuru Sunnah na mfumo huu na kupambana kwake na Ahl-ul-Bid'ah na kupondaponda utata na batili zao. Amesema:

*Ee wewe mwenye kuwachukia na kuwatukana Ahl-ul-Hadiyth*

*ninakubashiria kifundo cha upendo wa shaytwaan*

*Hivi kweli hukutambua kuwa*

*wao ndio wanusuraji wa dini ya Allaah na wenyewe kuiamini Qur-aan!*

*Hivi kweli hukutambua kuwa wao ndio wenyewe kumnusuru Mtume*

*ni wao bila ya shaka na bila kipingamii*

*Kuna mja muumini ambaye anawachukia Answaar*

*au huyo ni mja alokosa imani*

*Mtume ndiye kawashahidilia hilo*

*na huo ni ushuhuda wa mkweli kabisa kati ya majini na wanaadamu kwa hoja*

*Hukujua kuwa Khazraj dini yake*

*Aws wao ndio katika kila zama*

*Ni ipi dhambi yao wakienda kinyume na kauli yako*

*hawakwenda kinyume nayo kwa ajili ni kauli ya fulani*

*Lau wataafikiana na wewe na wakaenda kinyume naye*

*basi utakuwa ni mwenye kushahidilia kwa haki kuwa na imani*

Anachotaka kusema ni kwamba dhambi yao ni kwa kuwa wametofautiana na wewe. Lakini wao hawakutofautiana na wewe kwa ajili ya kauli ya fulani. Wametofautiana na wewe kwa ajili ya kauli ya Mtume (Swalla Allaahu 'alayhi wa sallam). Kisha anasema tena lau wangeliafikiana na wewe katika batili na wakaenda kinyume na Mtume (Swalla Allaahu 'alayhi wa sallam), hapo ndipo ungeliwashahidilia kuwa na imani! Haya anawaambia Ahl-ul-Bid'ah wadh-Dhwalaal.

*Ee wewe mwenye kuwachukia na kuwatukana Ahl-ul-Hadiyth*

*ninakubashiria kifundo cha upendo wa shaytwaan...*

Shaykh 'Abdur-Rahmaan as-Sa'diy (Rahimahu Allaah) amefafanua mashairi haya katika kitabu chake "Tawdhwiyh-un-Nuuniyyah" kwa mlango wa mashairi haya uliyoweka Imaam Ibn-ul-Qayyim (Rahimahu Allaah). Mlango: Ubainifu kuwa Ahl-ul-Hadiyth ndio wanusuraji wa Mtume wa Allaah (Swalla Allaahu 'alayhi wa sallam) na hakuna mtu anayemwamini Allaah na siku ya mwisho anawachukia Answaar.

Ninaapa kwa Allaah kuwa hili ni jambo la khatari. Wamewachochea vijana wetu kuwapiga vita Ahl-us-Sunnah. Vijana wetu ni wazuri lakini hata hivyo wamefanywa kuwa wanajeshi vipofu na kupakwa mchanga wa machoni kwa kuipiga vita haki. Hivi ni vitimbi vyta Ahl-ul-Bid'ah na athari ya nyayo zao za vitimbi vichafu mpaka wakafikia hili. Wamewachochea vijana. Lililotarajiwa kutoka kwao ni wawe wanajeshi wa Uislamu na wanajeshi wa Da'wah hii. Badala yake wamekuwa ni wanajeshi wa fikira za Sayyid Qutwub, [Hasan al-Bannaa] na al-Mawduud ambao ni Ahl-ul-Bid'ah wadh-Dhwalaal.

Imaam huyu wa pili as-Sa'diy (Rahimahu Allaah) mimi namfananisha na Ibn-ul-Qayyim. Sijaona mtu baada ya Ibn-ul-Qayyim ambaye alijua malengo yake na akafuata mfumo wake katika uelewa na kuyafahamu malengo ya Shari'ah kama mtu huyu. Amesema (Rahimahu Allaah) yafuatayo:

Mlango: Mlango: Ubainifu kuwa Ahl-ul-Hadiyth ndio wanusuraji wa Mtume wa Allaah (Swalla Allaahu 'alayhi wa sallam) na hakuna mtu anayemwamini Allaah na siku ya mwisho anawachukia Answaar.

Baada ya kichwa cha khabari hichi cha Ibn-ul-Qayyim akasema yafuatayo hali ya kuwa ni mwenye kuyasapoti na kuyawekea taaliki:

"Imethibiti katika "as-Swahiyh" ya kwamba Mtume (Swalla Allaahu 'alayhi wa sallam) amesema yafuatayo kuhusu Answaar:

### **"Hakuna mwenye kuwachukia isipokuwa mnafiki tu."<sup>23</sup>**

Hilo ni kwa sababu ya kuamini kwao, kutangulia kwao na kumnusuru kwao kikamilifu Mtume wa Allaah (Swalla Allaahu 'alayhi wa sallam) na kumtetea dhidi ya yule mwenye kutaka kumfanyia mabaya. Hali kadhalika Ahl-us-Sunnah wal-Jamaa'ah na Ahl-ul-Hadiyth wao ndio wanusuraji wa dini Yake na Kitabu Chake na Mtume Wake (Swalla Allaahu 'alayhi wa sallam). Wamemnusuru Mtume (Swalla Allaahu 'alayhi wa sallam) baada ya kufa kwake kama jinsi Answaar walivyomnusuru wakati wa uhai wake. Hivyo kuwapenda ni katika imani kama jinsi kuwachukia pia ni katika unafiki. Ndio maana imesemwa juu yao ya kwamba Ahl-us-Sunnah wal-Jamaa'ah ndio Ahl-ul-Hadiyth kutokana na uhusiano wao kwa Sunnah zake pasi na maneno yote na maneno madhehebu mengine... "

---

<sup>23</sup> al-Bukhaariy (3783) na Muslim (75).

Hawajinasibishi kwa Jahmiyyah, Ashaa'irah, Suufiyyah na kadhalika. Wao wanajinasibisha na Ahl-ul-Hadiyth na Sunnah.

"... kwa sababu mtu hujinasibisha na kitu kwa sababu ana uhusiano nacho. Hili ni tofauti na wengine ambapo manasibisho yao ni yenye kutofautiana"."

Imaam Ibn-ul-Qayyim (Rahimahu Allaah) amesema kuhusu upotevu wa Ahl-ul-Bid'ah na uadui wao na dhuluma yao kwa kuwashambulia kwao Ahl-ul-Qur-aan wal-Hadiyth kwa kuwaita Mujassimah na kubainisha ya kwamba wao ndio aula zaidi kupachikwa kila jina baya:

*Ni vipi itakuwa Mujassimah, Mushabbihah na Nawaabitah!*

*matusi ya mjinga na mfitinishaji*

*Haya ni majina ambayo mmewaita kwayo Ahl-ul-Hadiyth*

*uzushi pasi na kuwa na dalili*

*Mmeyafanya kuwa ndio matusi ili kuwakimbiza watu nao*

*kama afanyavyo mchawi shayhtwaan*

Haya ndio yale yale yanayofanywa na Ahl-ul-Bid'ah na wale waliopakwa mchanga wa machoni. Kazi yao ni kuwatukana wanachuoni. Wanawaita wanachuoni kuwa ni majasusi, vibaraka na kadhalika! Hawa wao walikuwa wakisema Mujassimah, baadaye Suufiyyah wakaja na kuwaita Ahl-udh-Dhwaahir, halafu kukaja Hizbiyyuun, Ba'thiyyuun na wanasekula na kuwaita kuwa ni watu walioko nyuma na kisha hii leo wakaja al-Ikhwaan al-Muslimuun na kusema "Fiqh-ul-Waaqiy" na Fuqaha'a' al-Waaqiy" wakimaanisha kwamba wao ndio wameendelea na hawa [wanachuoni] wao hawafahamu mambo ya kisasa na ni waghafilikaji. Wanawatuhumu wanachuoni kuwa hawaelewi mambo ya kisasa wakiwa na maana ya kwamba ni watu wako nyuma! Ni matusi yale yale wanayosema [wale wengine] kwamba ni Mujassimah na Mushabbihah.

## 28. al-Ikhwaan al-Muslimuun na Hizbiyyuun wengine wanalingania katika umoja na uhuru wa dini

Leo tuhuma zimekuwa ni za kisasa. Hapo kale tuhuma zilikuwa ni za kuhusu 'Aqiydah. Lakini hii leo tuhuma zimekuwa ni za kisasa na wakati huo huo zimeambatana na mambo ya 'Aqiydah. Wanasema kuwa wanachuoni wetu ni wajinga na hawafahamu mambo ya kisasa, Fataawaa zao hazifai, ni wenye kuwapaka mafuta watawala na matusi tele. Haya ndio yaliyokuwa yakisemwa na Khawaarij. Khawaarij walikuwa wakiwatuhumu Maswahabah na wakiona wao ndio wako katika haki. Upande mwingine Maswahabah hawajui haki na wala hawaelewi Uislamu! Leo kunafanywa hayo hayo. Amesema [Ibn-ul-Qayyim]:

*Ni majina ambayo mmewaita kwayo nyinyi na Mashaykh zenu  
uzushi usiokuwa na dalili*

*Mmeyafanya kuwa ndio matusi ili kuwakimbiza watu nao*

*kama afanyakyo mchawi shayhtwaan*

Tunaomba kinga kwa Allaah. Mchawi hutenganisha kati ya mke na mume wake na mtu na mpenzi wake. Na wao wanafanya hayo hayo. Wanawatenganisha vijana na wanachuoni na Ahl-us-Sunnah.

*Dhambi yao ni ipi*

*wallaahi si nyingine isipokuwa ni kwa sababu wamechukua Wahyi wa Allaah na Furqaan*

Ninaapa kwa Allaah ya kwamba sisi tunafuata Qur-aan na Sunnah. Sisi ni aula kwa haki kuliko wao hata katika Haakimiyyah hii ambayo wao wametofautiana

na sisi. Sisi ni aula zaidi kuliko wao. Tuna maandiko kutoka katika Qur-aan na Sunnah. Mtume (Swalla Allaahu 'alayhi wa sallam) amesema:

**"Kuweni na subira maadamu wanawali."**<sup>24</sup>

Hii leo wanasimamisha swalah, wanatoa zakaah na wanasimamisha mifumo na masomo juu ya Tawhiyd.

Wao pindi waliposimamisha dola yao Suudan wakaanza kulingania katika umoja wa dini, kuwapenda manaswara na kujenga udugu nao, kuyasapoti makaburi na kujenga makanisa. Hali imefikia kiasi cha kwamba idadi ya makanisa Sudan ilikuwa zaidi ya mia nne katika mkataba huu. Wakati wa ukoloni wa kingereza kulijengwa makanisa kibao na kipindi cha mfululizo wa uongozi wa wanasekula na wengine katika mkataba huu wa Kiislamu wa uongo. Uislamu ambao ndio kiini cha uongozi wa Kiislamu ulinganizi wao ulianza kwa kulingania katika umoja wa dini. Katika kipindi hichi kulifanywa mikutano mingi na Qur-aan na Biblia vikaweka kwenye meza moja ambapo kunasomwa Aayah kutoka katika Qur-aan:

لَتَجِدَنَّ أَشَدُ النَّاسِ عَدَاوَةً لِلَّذِينَ آمَنُوا إِلَيْهُودٍ وَالَّذِينَ أَشْرَكُوا وَلَتَجِدَنَّ أَقْرَبَهُمْ مَوْدَةً لِلَّذِينَ آمَنُوا إِنَّ نَصَارَى ذَلِكَ بِأَنَّ  
مِنْهُمْ قُسَيْسِينَ وَرُهْبَانًا وَأَنَّهُمْ لَا يَسْتَكْبِرُونَ

**"Hakika utawakuta walio shadidi kuliko watu wote katika uadui kwa walioamini ni mayahudi na washirikina. Na utawakuta walio karibu mno kwa mapenzi ni wale wanaosema sisi ni manasara. Hayo ni kwa sababu wapo mionganini mwao makasisi na wamonaki na kwa sababu wao hawafanyi kiburi."** (05:82)

---

<sup>24</sup> Muslim (1855).

Wanasema Qur-aan inawasifu manaswaraa na huku wameacha Takfiyr kwa manaswara katika Aayah za karibuni zilizoko kabla na hii:

لَقَدْ كَفَرَ الَّذِينَ قَالُوا إِنَّ اللَّهَ ثَالِثُ ثَالِثَةٍ ۖ وَمَا مِنْ إِلَهٍ إِلَّا إِلَهٌ وَاحِدٌ ۖ وَإِنْ لَمْ يَتَهَوَّا عَمَّا يُتَوَلَّنَ لَيَمْسَئَ الَّذِينَ كَفَرُوا  
مِنْهُمْ عَذَابٌ أَلِيمٌ

"Kwa yakini wamekufuru wale waliosema: "Hakika Allaah ni watatu wa utatu." Na hali hakuna *ilaah* [muabudiwa] isipokuwa *Ilaah* [Muabudiwa wa haki] Mmoja Pekee. Na wasipoacha yale wanayoyasema, bila ya shaka itawagusa wale waliokufuru mionganoni mwao adhabu iumizayo." (05:73)

لَقَدْ كَفَرَ الَّذِينَ قَالُوا إِنَّ اللَّهَ هُوَ الْمَسِيحُ ابْنُ مَرْيَمَ ۖ وَقَالَ الْمَسِيحُ يَا بَنِي إِسْرَائِيلَ اعْبُدُوا اللَّهَ رَبِّي وَرَبِّكُمْ ۖ إِنَّهُ مَنْ يُشْرِكُ بِاللَّهِ فَقَدْ حَرَّمَ اللَّهُ عَلَيْهِ الْجَنَّةَ وَمَأْوَاهُ النَّارِ ۖ وَمَا لِلظَّالِمِينَ مِنْ أَنْصَارٍ

"Kwa yakini wamekufuru wale waliosema: "Hakika Allaah ni *Al-Masiyh* mwana wa Maryam." Na *Al-Masiyh* alisema: "Enyi wana wa Israaiyl! Mwabuduni Allaah, Mola wangu na Mola wenu. Hakika mwenye kumshirikisha Allaah bila shaka Allaah Atamharamishia Jannah, na makazi yake yatakuwa ni Motoni. Na madhalimu hawatopata mwenye kunusuru yejote." (05:72)

Aayah ziko nyingi ambazo zimebainisha ukafiri na upotevu wao.

اَتَخَذُوا اَحْبَارَهُمْ وَرُهْبَانَهُمْ اُرْبَابًا مِنْ دُونِ اللَّهِ وَالْمَسِيحُ ابْنُ مَرْيَمَ وَمَا اُمِرُوا إِلَّا لِيَعْبُدُوا إِلَهًا وَاحِدًا ۖ لَا إِلَهٌ إِلَّا هُوَ ۖ سُبْحَانَهُ عَمَّا يُشْرِكُونَ

"Wamewafanya marabi wao na watawa wao kuwa ni miungu badala ya Allaah, na [pia wamemfanya] *Al-Masiyh* mwana wa Maryam

## [kuwa ni mungu]... " (09:31)

Lau wangelisoma Aayah hizi wangeliwakimbiza manaswara. Lakini wanasoma Aayah ambazo zinaendana na wao. Halafu baada ya hapo wakasoma pia Aayah kutoka kwenye Biblia na sijui ni Aayah zifi walizosoma. Lengo ni kulingania katika umoja wa dini na mengineyo. Wanataka serikali ya aina hii!

Hii leo wanazisifu na kuzisapoti. Hawazituhumu na wala hawazisemi vibaya. Lau kama kweli wangelikuwa ni walinganizi wa haki, basi wangeliyapiga vita kweli kweli. Wanasema ni vipi nyinyi tokea miaka khamsini mnapambana ili kusimamisha dola ya Kiislamu na kinyume chake mnakuja kulingania umoja wa dini na mnayasapoti makaburi na makanisa na mnalingania kuwa na udugu na manaswara na mayahudi. Ni kwa nini hawayasema haya lau wangelikuwa ni wakweli? Lakini kule kunyamaza kwao kunaonesha kuwa ni waongo katika madai yao ya kusimamisha dola ya Kiislamu. Wanachotaka ni kufikia viti vyaa uongozi na baada ya hapo wahukumu kwa kufuata matamanio yao...

## 29. Mazanaadiyq ndio wenyе kuwaponda Ahl-ul-Hadiyth

Ibn-ul-Qayyim amesema mashairi haya kwa sababu Ahmad bin Hanbal aliambiwa kuwa kuna mtu anawatukana Ahl-ul-Hadiyth, akasimama hali ya kuwa amekasirika na huku anaikung'uta nguo yake na kusema:

"Zindiyq! Zindiyq! Zindiyq!"

Shaykh-ul-Islaam Ibn Taymiyyah (Rahimahu Allaah) akaafikiana naye katika "Majmuu'-ul-Fataawaa" kwa kusema:

"Alisema hivo kwa sababu alijua maana yake."<sup>25</sup>

Ni kwa nini anawatukana Ahl-ul-Hadiyth? Anataka nini kwa kuwatukana Ahl-ul-Hadiyth? Hali kadhalika Ibn-ul-Qayyim (Rahimahu Allaah) anasema:

*Wao ndio wenyе haki*

*hivyo anayeona mwenye kuwatukana, basi huyo ni zindiyq, khabithi na shaytwaan*

Sisi tunaamini kuwa katika wao kuna mazanaadiyq, watu wa Bid'ah na wapotevu. Vivyo hivyo tunasema kuwa katika wao kuna wajinga na wapumbavu ambao Ahl-ul-Bid'ah wamewapaka mchanga wa machoni na kuwapachika mambo haya. Lakini kuna uwezekano Ibn-ul-Qayyim alijua kuwa baadhi ya maadui wa Ahl-ul-Hadiyth ni mazanaadiyq.

Kuhusiana na vijana wetu waliopakwa mchanga wa machoni sisi tunawafanyia upole na kuwapa udhuru. Lakini hata hivyo tunachotaka kutoka kwao wakimbie kwa haraka kurejea katika haki na wajue kuwa wamedanganywa. Hakuna mwingine aliyewadanganya isipokuwa ni Ahl-ul-Bid'ah wadh-Dhwalaal.

---

<sup>25</sup> "Majmuu'-ul-Fataawaa" (04/96).

Ninaapa kwa Allaah wamewadanganya na kuziharibu akili zao na kuwageuza kuwa sanaa na kucheza na mikono yao. Waheshimu uanaume wao. Waheshimu mfumo wao. Watambue kuwa katika hali hiyo wako katika batili na kwamba ni katika wanusuraji wa batili mpaka pale watapotubu kwa Allaah na kurejea katika mfumo wa Ahl-ul-Hadiyth ambao ndio kundi lililonusuriwa, *Twaaiifat-un-Mansuurah*. Huu ndio mfumo uliyopo hapa nchini tokea takriban miaka mia mbili na khamsini au miaka mia tatu ya nyuma. Allaah ameunufaisha Uislamu na waislamu kwa mfumo huu. Ummah unashubiri kutoka kwenu kuinyanyua bendera ya Tawhiyd na Sunnah ambayo ilibeba Maswahabah (Radhiya Allaahu 'anhum), Taabi'uun, Ahmad bin Hanbal, Ibn-ul-Qayyim na Muhammad bin 'Abdil-Wahhaab. Sio bendera ya Sayyid Qutwub ambaye anazungumza kwa Wahdat-ul-Wujuud, maneno ya kipuuzi, Bid'ah na upotevu. Jepesi lililo kwake ni Takfiyr. Jepesi lililo kwenye fikira za Sayyid Qutwub ni kuukufurisha Ummah. Hili ndio jambo bora alilo nalo. Hili peke yake linamtosheleza kumuweka katika safu za Khawaarij. Hili ndio jepesi kabisa lililo kwa Sayyid Qutwub. Vipi basi atafanywa kuwa ni Imaam na Mujaddid? Watu waliomzunguka ni wanajeshi wanaomtetea na kutetea vitabu vyake, fikira zake na mwelekeo wake wa kupinda.

## 30. Khitimisho

Tunamuomba Allaah (Tabaarak wa Ta'ala) atuongoze sote katika haki. Ni wajibu kumuomba Allaah ('Azza wa Jall) kama jinsi Mtume (Swalla Allaahu 'alayhi wa sallam), ambaye ni mwongofu na kiongozi wa wachaji Allaah, alivyokuwa akimuomba Mola Wake (Ta'ala) kwa kusema:

**"Ee Allaah! Mwendeshaji wa mbingu na ardhi, Mjuzi wa vyenye kuonekana na vilivyojificha, hakika Wewe utahukumu kati ya waja Wako katika yale waliyokuwa wakikhilafiana. Hivyo tuongoze juu ya yale waliyokhitilafiana kwayo katika haki. Hakika wewe unamwongoza umtakaye katika njia iliyonyooka."<sup>26</sup>**

Tunamuomba Allaah atuongoze sote katika haki hii na katika njia iliyonyooka. Tunamuomba Allaah atuokoe sisi na vijana wetu katika mkondo wa tofauti na migogoro ambayo imezushwa na Ahl-ul-Bid'ah wadh-Dhwalaal kwa kukusudia.

Swalah na salaam zimwendee Mtume wetu Muhammad, ahli zake na Maswahabah zake.

---

<sup>26</sup> Muslim (770) Ahmad (06/156).